

K1 tasol

BEK 2 SKUL PROMOSen!
PLANTI MOA

BAIM 2PELA SKUL BEK NA KISIM NARAPELA FRI
PROMOSen BAI ISTAP INAP NAMBA 28 DEI BILONG MUN FEBUERI 2015

THEODIST LTD
THE STATIONERY SUPERMARKET
Waigani Drive, POM
Ph:313 9800
sales@theodist.com.pg
Markham Road, LAE
Ph:472 5488
saleslae@theodist.com.pg

Fiul sot

- **Bisnis, PMV, Pablik kism taim...**
- **2-pela papagraun dai**

Stanley Nondol i raitim

PLANTI ol sevis stesen long Pot Mosbi i sot long disil, na petrol na i pas na ol PMV kar na pablik i kism taim.
Planti opis tu i no wok gut bikos pawa i blekaut bihain long ol papa-

garun long Mosbi siti i pasin maus rot long Haunabada na Baruni long Mosbi.
Dispela hevi i kamap bihain long ol polis i kilim dai tupela yangpela man bilong Mosbi papagraun, Hanuabada long las wik Fraide.
Ol papagraun na pablik i sutim tok

long NCDC buai ben long dai bilong tupela man.
Ol polis long las wik Fraide i go long Hanuabada long rausim buai maket na kamapim hevi wantaim pablik na tupela mani i dai long katres bilong gan. Gavman I bin toktok wantaim ol papagraun long Tunde apinun na ol pa-

pagraun I rausim rot blok na rot I op pinis, tasol fiul I sot yet. Ol fiul kampani I tok hat long putim bek saplai.
Wantok Niuspepa long aste i go luk-luk raun long olgeta sevis stesen na fiul i sot. Na rot blok I raus na rot long kism fiul I kam long siti i op.
I go moa long pes 2...



Fiul i sot! Olgeta sevis stesen bilong Mobil i pas long asde. 5-mail Mobil tasol i op tasol petrol i pinis long tude avinun na i gat disil. Ol kar i lain ap long kism disil na go olgeta long bikpela rot na kamapim trefik jem long rot i go long Boroko, 6.7. mail na is Boroko na kam antap long Gordons .*Poto Isaac Liri*

INSAIT
K 22milien
ripot i no
tru - P2

Badili Polis
stesen
kisim
K1.2m
helpim
long AFP
- p4

UOG i wol
klas yuni-
vesti - P5

UNLIMITED FREE CALLS
Bundled with SMS and Data.
Dial *123*15# to subscribe now!
Valid for 14 days.
bmobile | vodafone
Power to you.
For more information contact us now
Customer Care 76005555

UNLIMITED FREE CALLS
Between Bmobile-Vodafone numbers

30 mins voice
Any network

30 MB data

30 SMS
Any network

Pay only K15

bmobile | vodafone

K22 milien kina ripot i no tru

Sape Meta i raitim

Ripot i tok bai peim twenti tu milien kina (K22milien) mani mak olsem kompensesen mani i go long ol famili na wanpinisin bilong tupela yangpela

Fiul sot

I kam long pes 1...

Tupela bikipela fiul saplaia na i mekim sevis stesen bisnis, Mobil na Puma Enegry i pasim dua long pablik na PMV bikos fiul i pinis.

Mobil, bisnis han bilong Lifu Holdings na Puma Energy i pasim olsevis stesen long aste, Trinde, na i wet long fiul saplai bai kam long Napanapa rifaineri senta.

OI 5 -pela sevis stesen bilong Mobil i pas. Na 5 Mail Sevis stesen tasol i op long aste, tasol i no gat petrol.

OI sevis stesen bilong Puma Enegry tu i pas. Wapela tasol long Waigani i op long aste moning tasol petrol i sot. Nau i gat disil saplai tasol na ol kar i lain up long kisim fiul na kamapim trefik jem long ol maus rot.

OI sampela papa bilong kar i kisim kontena na i laik sot kat na kisim disil na ol sevis stesen wokman i tok no gat na givim fiul long ol kar i bihainim lain tasol.

PNG Pawa tu i sot long fiul na lukim ol stesen i save yusim disil i kisim taim na planti pawa blekaut i kamap long Tunde apinun i go long Trinde moning.

Balus kampani, Air Niugini na ol arapela liklik kampani tasol i no pilim pen bikos taim ol balus i mekim ron biong ol i go autsait long Mosb ol i i kisim fiul long ausaut senta na i mekim ran bilong ol gut.

Generel Menesa bilong Puma Enegry, Peter Dizmann, i tok kampani i wok hat long kisim sevis bilong fiul saplai i kam bek long nomol.

Tasol em bai kisim olsem tupela de long sevis i kam go bek nomol.

Em i tok rot blok i op pinis na menesmen i wok long bungim ol bikipela fiul tenk kar long putim fiul saplai long olgeta sevis stesen long Mosbi.

Long dispela taim- aste moning disil i sot, apinin petrol i pinis na nau moning olgeta sevis stesen i pas. Wapela fiul tenk kar bilong Puma Energy i putim saplai long Badili tasol i no inap na i pinis get.

Menesmen bilong Mobil i tok ol bin sot long disil long Tunde morning na petrol i pinis olgeta long Tunde apinun na i sot yet long aste.

Planti lain i sutim tok long Buai ben long dai bilong tupela man na sot bilong fiul.

Tasol NCD gavana Powes Pakop i tok ol ples long Motu Koita viles olsem Hanuabadai i no gat buai ben na ol i save salim buai yet. Lukim ol toktok bilong Gavana Pakop long Pes 2.

OI papagraun i pasin maus rot long Baruni long soim belwari bilong ol na dispela i mekim hat long fiul saplai bai kam aut long Napanapa refaineri.

man em ol lokol wanpinisin lain bilong ol long Hanuabada viles i olsem polis i bin kamapim birua, sutim na kilim tupela long wiken i go pinis.

Bihainim dispela birua ol pipel bilong Poreporena, Hohodae na Elevala long bikiples Hanuabada i kamapim ol rot blok na stopim ol kar, trak, PMV, ol kampani kar na muvmen bilong ol wokman na meri husat i save wok long ol LNG projek sait long Papa-Lealea eria long Sentral provins.

Dispela rot blok i bin go het long

las 4-pela de na bihainim sampela toktok wantaim ol gavman opisel, ol yut long Hanuabada viles i rausim ol rot blok long aste moning (Trinde) na larim ol kar, trak na PMV long ron gen.

Sif Seketeri bilong gavman Sir Manasupe Zurenuoc husat i bin kolim nius komprens wantaim ol famili bilong tupela yangpela man long aste (Trinde) i mekim tok sori long dispela hevi i kamap na kisim laip bilong tupela yangpela man.

Em i tok opis bilong em i kisim

NCDC bai peim kompensen long Hanuabada dai

Yakam Kelo i raitim

NESENEL Kapitel Distrik Komisnin (NCDC) bai peim kompensesen go long famili bilong ol lain i dai long Hanuabada ples long las wik olsem pasin bilong yumi Papua Niugini long sori wantaim long taim bilong bikipela hevi na dai olsem long famili, Gavana Powes Parkop i tok long aste.

Gavana Parkop i tok dispela kompensesen i no soim olsem NCDC i asua long dai bilong tupela man na ol arapela husat bin kisim bagarap namel long pait bilong las wik Fraide wantaim ol polisman. Dispela em bilong soim pasin sore bilong yumi long Papua Niugini long helpim arapela long taim bilong dai na ol arapela bikipela hevi long famili na komyuniti o kantri.

Olsem NCDC em opis i go pas long ol pipel bilong siti na ol Motu Koitabu ples insait long siti, NCDC

i gat dispela wik bilong lukluk tu long kain hevi olsem long stap wantaim ol piple long bikipela hevi olsem we ol pipel i lusim famili long dai olsem, em i tok.

Em i tok namba bilong mani o kompensesen mak we i kam aut olsem K22 milien em NCDC i no inap peim dispela mak. Mak ol bai peim bai bihainim level na mak bilong lo taim ol i skelim olgeta ripot na wok painimaut insait long dispela hevi.

Sapos NCDC polis i asua, NCDC bai peim kompensesen na tu husat polisman i asua bai kisim sas bilong lo, Gavana i tok.

Pasin ol asples long Motu Koitabu i bin mekim long blokim rot na stopim ron bilong sevis long i no go gut insait long siti em nrapela samting bikos yumi save long hevi na wari ol pipel i stap long en. Olsem na NCDC i no skelim dispela tasol bikipela samting em NCDC i gat wok bilong

tok orait olsem sif mejistret Nerrie Eliakim bai i go pas long karim aut wok bilong koroniel inkwes long dispela hevi.

Sir Manasupe i tok bihainim dispela inkwes na wok painim aut i kamap gut, i karim kaikai, gavman bai lukluk long kamapim sampela peimen long dai bilong tupela man na ol lain husat i kisim bagarap long dispela hevi.

Em i go moa na i tok ripot bilong kompensesen peimen bilong tupela man long twenti tu milien kina (K22milien) mani mak em i no tru, long wanem, opis bilong

em na tu opis bilong gavman i no mekim dispela komitmen.

“Em tok win tasol, na mi laik mekim klia long jenerel pablik olsem opis bilong praim minista na opis bilong mi no mekim dispela komitmen. Dispela ripot i kamap long ol strit na i no long opis bilong gavman”, Sir Manasupe i tok.

Em i tok amamas olsem ol famili na wanpinisin bilong tupela man i tok orait long wokbung wantaim polis na ol viles lidas long mekim wok painim aut long husat tru i bin pulim triga na kamapim dispela hevi.

larim sevis i ron long sevim ol pipel na ol bisnis insait long siti. Ol pipel bilong Motu Koitabu tu bai bungim hevi sapos ol i no larim ol sevis i ron fiul, pawa na wara save wok wantaim long sevim yumi olgeta, Gavana i tok.

Olsem na gutpela tingting ken kamap long dispela taim bilong hevi na larim ol sevis i ron taim yumi mekim wok wantaim long painimaut na stretim bagarap we i kamap pinis, em i tok.

Ripot i soim tu olsem ol komyuniti long Baruni na Tatana bin bungim hevi na birua wantaim polis long las wik na wik i go. Olsem na tripela komyuniti wantaim i sanap long blokim rot na sevis bikos long hevi na wari bilong ol.

Tasol Mista Parkop i tok ol pipel no ken skelim dispela olsem polis i gat birua wantaim ol Motu Koitabu pipel na i mekim dispela. Lo i stap na yumi larim lo i mekim wok bilong em.



Gavana bilong NCDC, Powes Parkop

Gavana tok no ken rausim NCDC polis

Yakam Kelo i raitim

GAVANA bilong Nesenel Kapitel Distrik (NCD) Powes Parkop i asking Polis Komisina na polis menesmen long no ken hariap long pinisim wok bilong ol risev polis insait long siti yet. Bikos sapos i no gat risev polis bai ol fultaim polis bai sot tru long sapot na menpawa long ranim ol wok na operesen insait long bikipela na bisi siti olsem Pot Mosbi.

Gavana Parkop i mekim dispela toktok long aste bihain long Metropolitan Supritenden Komanda bilong NCD Andy Bawa i tok long rausim ol risev polis long siti bihain long dai bilong tupela man long ples Hanuabada na bagarap ol lain bin kisim namel long hevi wantaim ol polisman long las wik Fraide.

Mista Parkop i tok yumi no ken kalap hariap wantaim dispela disisen na tingting bilong rausim wok bilong ol risev polis yet bikos long dispela hevi na dai bin kamap.

Tasol yumi skelim gut ol bikipela wok na moa hevi na trabel inap kamap long bihain taim.

Em i tok NCD em wapela

atoriti na em gat ol pawa na wok bilong ranim na kontrolim planti bikipela wok na sevis long siti olsem Lika Laisensing Atoriti, Lita o Rabis kontrol, Len na Pisikel Plening na arapela bikipela wok bilong givim sevis na ranim siti.

Olsem na ol mas gat ol sekyuriti sapot long olgeta de bikos em ol eria we i save gat ol toktok egens na salens save kamap o ol manmeri save laik brukim lo na kisim samting nating o ranim bisnis nating.

Long dispela as, sapot bilong polis sekyuriti long wok bilong NCDC em bikipela samting long ranim siti olsem na mi no inap long sapot o wanbel long toktok bilong Mista Bawa long rausim wok bilong risev polis insait long siti, Mista Parkop i tok.

Deputi Siti Menesa na Kontrola bilong Buai Tambu, Honk Kiap i tok tu olsem ol bin laik traim long toktok wantaim Mista Bawa long dispela hevi tasol no gat wapela bekim o toktok i kam long opis bilong NCD Polis Bos long toktok wantaim long dispela samting.

Mista Kiap i tok Polis bos i rausim pinis ol kar na ol sapot bilong ol sampela fultaim polisman

husat save stap klostu na wok wantaim NCDC risev polis bihainim hevi na dai bin kamap long Hanuabada ples long las wik Fraide.

Tasol Mista Kiap i tok i no gutpela long Mista Bawa i tromoi tok olsem NCDC i asua long ol dispela dai bin kamap bikos ol risev polis bilong NCDC bin stap insait long dispela hap taim trabel bin stat. Gutpela wok painimaut mas kamap na luksave gut husat tru i sut long sotgan na kilim ol lain.

Gavana Parkop i tok wok painimaut mas kamap gut long dispela na sapos ol NCDC Polis Risev i asua, ol bai holim na sasim ol aninit long lo na NCDC mas peim kompensesen long dispela.

Gavana i tok stori em kisim long dispela samting em, sampela lida bilong ples Hanuabada bin singautim NCDC polis long go helpim ol na rausim ol kankain pasin na maket we i kam daun olgeta na blokim rot.

OI kankain maket i kam olgeta long rot na mekim hat long ron bilong ol kar na i kamapim lo na oda hevi tu olsem na komyuniti lida singaut long helpim.

OI NCDC Polis i no bin go long

Hanuabada long rausim buai maket. No gat. Em i no bisnis bilong NCDC long rausim buai maket insait long ol Motu Koitabu viles.

Taim lo bilong tambuim buai insait long siti bin kamap long Oktoba 2013, ol i no karamapim Motu Koitabu viles. Ol gat gavman na atoriti bilong ol yet aninit long Motu Koitabu Asembli (MKA).

Em tok ol NCDC polisman bin go daun long 11 kilok na traim long muvm ol kain kain maket we i kam daun blokim rot tasol ol komyuniti i kirap na salensim ol na ronim ol i go.

No gat trabel long dispela taim tasol long taim olsem 3 kilok apinun em taim ol polisman i go bek na hevi i go moa na ol bagarap na dai i kamap.

Tasol bikipela samting nau em yumi laikim gutpela wok painimaut mas kamap long dispela hevi olsem ol bin mekim long Lae long dai bilong wapela meri we polis bin sutim na kilim em.

OI polisman long Lae husat bin asua i stap long han bilong lo nau, olsem na NCD em yumi mas mekim olsem long stretim na kliarim olgeta toktok sut go kam olsem, Gavana Parkop i tok.

'Memba sapotim pis fama long Yonki'

Sape Metta i raitim

Wanpela yangpela lokol MP long Isten Hailans em Mehrra Minne Kipefa i wok long sapotim na strongim wok bilong ol lokol fama long ilektoret bilong em we em i gat bikipela laik tru long lukim olsem ol fama na tu ol lokol man na meri long haus lain i mas wok hat na kisim gutpela samting o helpim i kam long wok egrikalsa na fam wok bilong ol.

Mista Kipefa husat em wanpela yunivesiti greduet na fes taim memba bilong palamen i tok em i luksave olsem wok egrikalsa em i wanpela bikipela sekta we bai i ken helpim na kamapim gutpela sindaun bilong ol lokol pipel long Obura/Wonenara, Isten Hailans na Papua Niugini tu.

"Mi luksave olsem bikipela helpim em egrikalsa bai i ken bringim i go long ol hauslain komyuniti we gutpela sindaun tu bai i ken kamap namel long ol pipel. Tasol long mekim dispela i kamap, yupela ol pipel i mas senisim tingting na pasin bilong yupela, na kisim gutpela tingting long strongim wok egrikalsa insait long wanwan hauslain komyuniti bilong yupela", Mista Kipefa i tok long taim em i bin openim namba wan egrikalsa so long Aiyura veli long Obura/Wonenara distrik.

Mista Kipefa i tok wanpela bikipela projek we em bai lukluk long sapotim nau em pis faming (fish farming)

long Yonki Dem.

Long dispela tingting em i bin baim planti ol ikwipmen na saplain i go long ol pis fama long sapotim wok bilong pis, long wanem, em i luksave long veliu (value) bilong pis faming na long sem taim em i kamapim plen tu long kirapim pis prosesing plent (fish processing plant) projek long Yonki.

Mista Kipefa i tok long em i luksave olsem taim PNG ELCOM nau PNG Pawa i bin kamapim Yonki Dem long 1980 na i kam antap, planti ol lokol pipel long dispela eria i lusim wok gaden na ol arapela fam wok na igo long painim na kisim ol pis long dem, kukim na salim long ol rot sait maket na sevim ol haiwe trak draiva na ol treveling pablik husat i save ron i go-i kam long bikipela Okuk Haiwe rot.

Em i tok taim em i stap olsem memba representim ol pipel bilong Obura/Wonenara, em bai ino nap tru long givim nating samting, long wanem, taim em i mekim olsem em bai kamapim les pasin na ol man na meri bai i no inap mekim wanpela wok, sindaun tasol na lukluk long kisim nating samting long han bilong gavman.

Mista Kipefa i tok, taim em i baim ol fam ikwipmen, em i baim ol dingi tu na givim igo long polis husat bai yusim long patrol long dem na lukautim ol fama long taim ol i mekim wok bilong ol long painim na kisim ol pis long dem.



Polis bai lukautim ol pis fama long Yonki Dem. Ol memba bilong Mobail Skwat 14 bilong Isten Hailans i sanap klostu long wanpela long tripela dingi em memba bilong Obura/Wonenara Mehrra Mine Kipefa i donetim i go long mekim wok patrol long lukautim ol pis fama long Yonki Dem.

Poto: Sape Metta.



Project fees, New uniforms, Text books? Start the year on a good note with all your back to school needs financed through a

BSP PERSONAL LOAN

✓ 100% unsecured loan
✓ Flexible repayment terms

✓ Loan up to K50,000
✓ Quick approval



320 1212 / 7030 1212 - 24/7
servicebsp@bsp.com.pg
www.bsp.com.pg



K20 i kamapim hevi long sampela mani masin

BENK bilong Saut Pasifik (BSP) i toksave long ol kastoma olsem ol masin i wok long bagarap long taim bilong rausim K20.

Long dispela, BSP i rausim sans bilong kisim K20 long ol sampela masin, tasol ol i gat planti masin we i gat K20, K50 na K100 i stap yet.

BSP i tok aut olsem ol i no holim bek sampela mani bilong ol pipel na ol pipel i ken kisim mani bilong ol taim ol i yusim Kundu Kad long ol EFTPos masin.

Sampela bilong ol EFT-Pos masin i stap long ol bikipela stoa, ol narapela i stap long ol liklik stoa. Long ol dispela masin ol Kundu Kad kastoma i ken kisim kes mani tu. I gat 11,000 EFTPos masin long kantri. Ol kastoma i ken kisim mani long 250 Ejen o 88 brens na sab-brens long PNG.

BSP i tok moa olsem Mobail na Internet Benking i stap yet bilong ol kastoma long salim mani o baim ol kaikai na ol narapela samting moa.

Badili Polis Stesen kisim 1.2 milien helpim long AFP

Joylyne Karato UPNG sumatin i raitim

AUSTRALIAN Federal Polis i givim mani mak olsem 1.2 milien long mekim nupela bareks bilong Badili Polis stesen long dispela wik Tunde Januəri 27.

Dispela bareks em bai wanpela dabol bilding we bai inap long kisim 22 polis opisa husat bai greduet long Bomana Polis Kolis long stap long wan wan rum.

Nupela disain bilong dispela bilding bai gat gupela ples bilong kaikai,toilet na ol narapela samting long helpim ol pilos man na meri na ol I ken kamapim gupela sindaun insait long komyuniti.

Minista bilong Spots na Memba bilong Mosbil Saut, Justin Tkatchenko, i tok em i no gupela ol polis i slip long no

gut haus na tu, stap wantaim ol wantok long setelmen na go wok long lukautim ol lo bilong kantri.

“Ating tingting bilong ol polis bai senis sapos ol i slip na kirap long gupela haus kaikai gut na go wok. Dispela bai mekim ol i luksave bilong wok long ol long komyuniti na tu, kantri bai i stap gut,”Mista Tkatchenko i tok.

Em i tok tenkyu long Australian Federal polis long luksave long kisim bikipela helpim i go long Badili polis we i no gat gupela haus stap yet long ol yia long 1960.

Em i tok em bai wok bung wantaim AFP long senisim Badili Polis Stesen na mekim em i kamap narakain long ol narapela polis stesen insait long siti na tu, long PNG.

Hetman bilong AFP, Asisten Komisina Alan Scott i tok gut-

pela haus slip bilong ol polis em i wanpela hevi i stap long Royal Papua Niugini Konstabulari.

Em i tok olsem ol haus nau ol i stap e mol olupela. Na ol i amamas long mekim nupela haus slip bilong ol polis opisa bilong Badili we ol bai stap gut na mekim wok.

“Mani mak olsem 1.2 milien em bilong stretim olgeta bilding bilong ol Badili polis na tu mipela i givim aut K800, 000 long ol narapela polis stesens long Mosbi na tu, long Lae, long wokim wok wantaim RPNGC.” Scott i tok.

Minista bilong spots na Memba bilong Mosbi Saut, Justin Tkatchenko i makim olsem ol bai burim daun dispela long taim building na mekim nupela long graun brukim seremoni long Tunde long Badili polis bareks.

Koreksenal Sevis i luksave long Bomana SDA sios

Joylyne Karato UPNG sumatin i raitim

Bomana Seven De Adventis (SDA) sios em i wanpela mama sios i bin stat long 1980 we i no gat gupela luksave i stap kam inap nau taim Koreksenal Sevis (CIS) aninit long lidasip bilong Michael Waipo, i kisim helpim.

Ol sios yet i bungim K120 000 na wantaim helpim bilong CIS na ol sios patna long kamapim nupela sios bilding we konstraksen bilong Doris Nara wanpela man i bin kalabus man bipo save lotu long dispela sios.

Minista bilong Komes Tred na Indasti,Richard Maru tok Bomana i mas gat sios bilong em yet na ol wan wan sios I mass tap. Dispela em I wanpela as tingting bilong lo na oda.

Em i tromoi wanpela askim olsem wanem na ol man meri tok olsem Papua Niguini em Kristen kantri na yumi lukim bikipela lo na oda hevi i stap yet?

Long ansaim dispela askim, em i tok sios i mas mekim bikipela wok insat long komyuniti ol i stap long em long senisim pasin bilong ol man na meri.

“Bikipela wok bai ol sios i mekim long

ol kalabus long trenim ol long wok bilong Bikman long ol man na meri i brukim lo na tu long autim Gutnius long ol Goilala komyuniti long luksave long Bikman na senisim pasin.”Mista Maru i tok.

Namba tu as toktok em i mekim em ,dispela kantri em i stap long kros rot pinis long kain ol pamuk pasin olsem man maritim man na meri maritim meri. Dispela kain pasin bai no long taim daunim dispela lo olsem yumi Kristen kantri.

“Lond daunim kain pasin,Polis,Difens na Koreksenal Sevis i mas wok bung wantaim ol sios na lotu na wok strong long dispala kain pasin bai ino inap bagarapim konstitusen bilong yumi olsem yumi Kristen kantri na ikonomi bilong yumi kamap stong.”Mista Maru i tok.

CIS Komisina Michael Waipo i tok em i gupela long wok bung wantaim sios we bai senisim na stretim laip bilong planti kalabus lain.

Na tu, em i skurim tok moa olsem em i lukluk long kisim moa pasta long kam autim tok insait long kalabus long helpim olman na meri husat i hanger long tok bilong God.



Mani mak olsem 1.2 milien em bilong stretim olgeta bilding bilong ol Badili polis. Poto i soim atis wok bilong nupela Badili polis stesen.



AFP Polis wantaim Mosbi Saut Memba, Justin Tkatchenko i stap long lonsing long kamapim nupela Badili Polis steesen.

Kontrakta i givim ripot long Ramu Skim

Esther Bralyn Wani UPNG sumatin i raitim

PARSONS Brinkerhoff kontrakta we Indipenden Pablik Bisnis Koperesen (IPBC) i bin makim, i presenim fainel ripot bilong em long Minista bilong Pablik Entaprais na Stet Investmen, Ben Micah long Pot Mosbi long aste.

Dispela ripot i gat bluprin long wok bilong projek. As bilong Ramu 2 projek em long karim aut wara insait long Ramu hydro-ilektrik skim long wokim planti hap na mitim bikipela diman long ol maining na indas-

triel developmen long Hailans rijon na PNG. Dispela bai helpim long daunim mak bilong yusim disil long wokim pawa.

Minista Micah i makim maus bilong gavman na tok tenkyu long Parsons Brinkerhoff na Kramer Ausenco, em i lokal kontrakta na IPBC long pinisim ripot long taim.

Em i tok moa olsem ol i mas hariap na wok long fil projek long wanem ol i pinisim stadi ripot na ol i mas wok long bungim diman bilong ol planti kastoma.

Siaman bilong IPBC Paul Nerau i tok Ramu 2 projek em i

wanpela bikipela infrastraksa projek we IPBC i karim aut long makim gavman na ol pipel bilong PNG. Em i tok tenkyu long Menesing Dairekta Wasantha Kumarasiri na ol IPBC Menesmen Tim.

Nesenel Eksekutiv Kaunsel (NEC) i bin makim Indipenden Pablik Bisnis Koperesen (IPBC) long go pas long painim we long apim hydro-elektrik pawa jeneresen insait long Ramu Skim. IPBC i bin makim Parson Brinkerhoff we em i wanpela bikipela enjinering kampani long wol wantaim Kramer Ausenco we em i lokal kontrekta.



Wanpela enjinia bilong Parson Brinkerhoff i presenim stadi ripot long Minista bilong Pablik Entaprais na Stet Invesmen, Ben Micah.



Moden Greduesen: MODEN taim greduesen o ol greduesen bilong nau yet i ekspensiv tru we ol sumatin long level bilong elementeri, gret 8, 10, 12 na ol arapela bikipela institusen i wok long lukim nau. Dispela i mekim na ol papamama i save kisim taim stret long bilasim gut pikinini bilong ol long taim bilong greduesen. Na long yia i go pinis Tiara Inape (lep) na Monalisa Mou husat i bin greduet long gret 8 na pas aut long East Goroka Praimeri Skul long lsten Hailans i bin givim hat taim stret long ol papamama bilong ol long painim kain bilas long bilasim ol ol long taim bilong greduesen.



Ol Yauro kukim Benabena sekenderi skul: Em i taim bilong selebresen, na olsem planti ol man na meri i save mekim, dispela ol ls Nu Briten sumatin i bin kamaut na kirapim bikipela das tru wantaim pasin amamas long taim BenaBena Sekenderi skul long lsten Hailans i bin lonsim infrastraksa developmen projek bilong em long pinis bilong 2014. Na long wankain pasin, ol Asaro madmen tu i bin kamap na kukim stret skul eria wantaim stail tumbuna bilas na danis bilong ol. **Ol poto: Sape Metta**

PNG kisim bikipela helpim long Japan

Joylyne Karato UPNG sumatin i raitim

GAVMAN bilong Japan na PNG i wanbel wantaim K70 milien mani mak helpim we Japan we em i givim long mekim wanpela projek. Man husat i makim kantri Japan long Papua Niugini, Morio Matsumoto, wantaim Minista bilong Foren Afeas na Imigresen, Rimbink Pato, i bin sainim wanpela agrimen long kisim K70 milien long wokim nupela bris long Nu Britens Hai we. Dispela mani bai helpim long mekim gen

Aum na Kapiuru bris we ol kar i karim hevi samt-ing na tu, ol bikipela trak i hat long go long nara-pela sait. Tupela bris wantaim i stap long wankain kondisen na dispela em i bikipela hevi stret long gavman bilong PNG. Wantaim dispela helpim, ol bai mekim bris kamap bikipela inap long bikipela trak we i ken karim planti hevi kago i ken ran long em. Dispela bris bai helpim long 180,000 pipel bilong ls Nu Briten. Na tu, long dispela Haiwe, i gat bikipela oil pam plantesen i kamap

namba 6 long wol we i save kamapim 70 pesen mani bilong oil pam long dispela kantri. Oil pam na foresri indastri save kisim bikipela helpim long dispela hai we long wokim bisnis na tu sanel bilong salim ol dispela samt-ing we i sapoting laip bilong pipel. Mista Matsumoro i tok gavman bilong Japan i amamas long helpin PNG long sait bilong infrastraksa long inapim 2050 visen bilong (PNG) gavman aninit long helpim polisi bilong Japan long Papua Niugini.

UoG i wol klas yunivesiti



YUNIVESITI OPIM SUMATIN HAUS SLIP: Ol hai rais haus slip bilong ol sumatin bilong UoG em Foren Bild-ing Konstraksen kampani bilong Saina i bildim. Em i kos moa long K70 milien. **Stori na ol poto: Sape Metta.**

Sape Metta i raitim

DOKTA Gairo Onagi em Vais Sansela o bosman long Yunivesiti ov Goroka (UoG) long lsten Hailans i ken paitim bros na amamas olsem ol i gat bikipela han mak long kamapim UoG i go long wol klas stended. Long infrastraksa sait bilong developmen long ol institusen

long Hailans Rigon, UoG i go pas na long wankain taim tu, em i go pas long developim ol gutpela praimer, hai skul na sekenderi skul tisa. Na i no long taim i go pinis yunivesiti i bin openim ol nupela domitori o haus slip bilong ol sumatin husat i save kamap long olgeta kona bilong PNG na

Saut Pasifik tu long kisim tren-ing long UoG. Dispela ol nupela 10 stori domitori em i wanpela foren bilding konstraksen kampani bilong Saina (China) i bin bildim na kirapim long mani mak inap long K70 milien. Deputi Praim Minista, Leo Dion i bin opim dispela ol domi-tori.

Pasifik Patnasip 2015 Redi long bungim taim nogut

“REDI long gutpela taim na bai bungim taim no gut” em i namba wan as tingting bilong Pasifik Patnasip 2015, wanpela human-itarian operesen misin bilong Yunaitet Stets Pasifik Flit we i kamap pinis long Arawa long Atonomas Rijn bilong Bogenvil long wokim sevei bilong wanem hap U.S i ken helpim ol.

Tim bai i go long Buka na bihain go long Rabaul, ls Nu Briten provins. Wanpela narapela U.S. Pasifik Flit sevei bai go lukluk raun long Honiara na Malaita long Solomon Islands long statim plening na lukim wanem kain ol projek Pasifik Patnasip 2015 i ken wokim. Pasifik Patnasip i bin kamap long 2004 bi-hain long bikipela sunami long India we i bagarapim planti laip na samt-ing. Em i kamap long helpim ol komyuniti we i stap long mak bilon gkisim



USNS Mercy i save mekim wok bilong humanitarian misin long Pasifik.

bagarap long ol taim no gut. I bin gat gutpela bel na koperesen i kamap long wol long helpim ol kantri long pasifik na dispela tasol i kirapim Pasifik Patnasip Misin. Pasifik Patnasip 2015 i save salim U.S Pasifik Flit i go aut taim em i toktok wantaim ol rijinol gavman, patna militri, humani-terien na non gavman ogensaísesen. Wantaim wok bilong en long bringim ol medikal na humani-tarian helpim, bikipela wok bilong Pasifik Patnasip i karamapim as tingting bilong wok bilong militri, gavman

na disasta rilif opere-sen. Long olgeta wan wan yia, Pasifik Pat-nasip misin i save strongim moa save bi-long ol patna kantri long mekim wok na long wankain taim strongim wok poro-man long Pasifik kantri. Long 2015 ol kantri bai em i wok wantaim em Papua Niugini, Solomon Is-lands, Fiji, na Kiribati. Ol wok bilong Pasifik Patnasip 2015 em i karamapim medikol, dentol na veterinarian kea bilong ol animal na tu long wokim sampela konstraksen projek na long wokim trening bi-

long redi long ol taim bilong hevi. Papua Niugini i bin kisim helpim pinis long taim Pasifik Patnasip program i kam, long Wewak na Vanimo long 2013. Long dis-pela yia, em bai go long Rabaul na Bo-genvil. Dispela pro-gram bai kamap gutpela sans long ol pipel i bungim ol nara-pela lain long strongim pasin poroman long Yunaitet Stes bai bringim ol gutpela samt-ing long pipel bi-long Bogenvil. Long Solomon Islands, Pasifik Patnasip pro-gram bai go long Ho-niara na Malaita.





INVESTMENT TOKTOK

with HERMAN MALIR & ROY MUMU Jnr

NAMBAWAN SUPER I GAT WANEM KAIN MANI MAK LONG OL ASET BILONG EM?

Sapos yu gat sampela askim plis salim i kam long toktoksuper@nambawan-super.com.pg na mipela bai bekim. Olgeta yia, Nambawan Super i save skelim ol invesmen bilong Fan long save gut long mak bilong ol long mani maket Sampela aset em isi long makim valu o mani mak bilong ol tasol ol narapela we i stap long sea we i save kisim mani mak long wan wan de, em i hat long putim wampela mak long ol. Ol narapela propeti i gat bikipela singaut o laikim long ol, olsem na ol i save kisim mak bilong mani long wampela taim long yia.


Tasol, maski ol Fan aset i liklik o bikipela, long pinis bilong wan wan yia, olgeta Fan aset i save kisim valu o mani mak long soim olsem mani mak ol i putim long aset em i no wansait na em i stap long skel bilong mani maket long lukim ol olpela memba na ol nupela memba long bihain tu bai i ken kisim gut mani valu bilong ol.

Ol sea long lista – Valu o mani mak i sanap antap long pablik stok eksens prais long taim bilong pasim.

Ol sea ino stap long lista – Ol indipenden valua i putim mani mak long ol na ol i yusim ol narapela kain rot olsem kepitelaísesen bilong mentenebol ening, dividen yil, diskaun kes flo, na ol narapela olsem.

Ol bon- Ol i putim mani mak long ol long maket na ol i yusim las intres reit bilong ol lain bilong Gavman oksen.

Propeti – Ol indipenden valua i putim mak na ol i yusim ol arapela model bilong kamapim mani, kepitelaísesen, komparabol transeksen, na ol arapela olsem. 83 pesen bilong Nambawan Super potfolio i stap long ol PNG maket, na 17 pesen i stap long ol maket ausait long kantri.



Wol bilong NSL long pinis bilong yia 2014 bai i stap strong yet tasol i luk olsem em bai i no inap kisim wankain mak olsem long yia i go pinis, 2013.



Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

BIGGER, BETTER, SAFER, STRONGER AND STILL NUMBER 1

helt Mama na pikinini helt kisim ikwipmen long Bogenvil

GAVMAN bilong Australia i givim gen ol gutpela helt ikwipmen wantaim mani mak bilong PGK800, 000 i go long 35 helt senta bilong helpim ol mama na pikinini bilong Atonomas Rijon bilong Bogenvil (AROB).

AROB Helt Helt i bin askim long dispela kain helpim long helpim ol helt wokman na meri long wokim gut wok bilong lukautim helt bilong ol mama na ol pikinini wantaim klinikol kea, na long mekim ol

imejensi obstetrik kea, na long narapela monitoring na medikol wok.

Ol i kisim ol kain ikwipmen olsem, masin bilong kirapim hat bilong bebi, ilektrik saksen pam, na eksaminesen lam bilong 10-pela bikipela helt senta na klinik, manuel pam bilong olgeta helt ples, skel bilong bikipela man na liklik mangi, yunivesal maunting kat, mat bilong karim bebi antap long en, na ol arapela moa bilong helpim ol liklik pikinini.

Arawa Helt haus sik tu i bin kisim wampela diathermy masin, x-rei prosesa, divelopa na wampela pulse oximeter.

Australia Hai Komisen Kaunsila long Bogenvil, Jane Gresham i tok ol ikwipmen i bin kamap long Novmeba 2014 na ol i givim aut long olgeta hap bilong rijon i helpim gut tru sefti bilong mama long taim em i gat bel na long taim bilong karim pikinini.

“Ol makim gut tru ol dispela ikwipmen long inapim stret wok bilong

ol midwaif na ol narapela klinik woklain long wok bilong ol na tu ol dispela ikwipmen i ken stap longpela taim long ol i yusim,” em i tok.

Seketeri bilong Helt long Bogenvil, Dokta Anthony Pumpara, i tok imejensi obstetric imejensi kea em i wampela bikipela samting i nupela long mipela i givim long helpim ol mama long i no ken dai long taim bilong karim pikinini.

Ol sola pawa lait kit tu i bin go long 35 haus klinik na helt senta.



Seketeri bilong Helt long Bogenvil, Dokta Anthony Pumpara na Australian Hai Komison Kaunsel Jane Gresham wantaim sampela ikwipmen long baksait. .

MSF ripot soim ol prais bilong vaksin i go antap

MÉDECINS Sans Frontières (MSF) em “Ol Dokta i No Gat Mak long wok” i autim namba 2 ripot long dispela mun olsem ol kantri long wol i painim hat nau long ol prais bilong vaksin o banis marasin bilong ol bikipela sik.

Nem bilong ripot em, *Rait sut: Rausim ol banis long kisim ol Vaksin isi long baim.* Ripot i soim olsem ol kantri we i no gat planti samting, prais bilong givim vaksin long wampela pikinini em i 68 taim moa long baim, i winim prais bilong 2001. Planti hap long graun bai painim hat long baim ol vaksin long dispela kain prais, long daunim ol sik olsem numonia we i save kilim 1 milien pikinini long wan wan yia.

Long Papua Niugini insait long wan wan yia, sik numonia i save kilim moa long 4,000 pikinini husat i gat 5-pela kris-mas na i go daun, na planti bilong ol em ol bebi i no kisim 6 mun yet.

Moa long kwota bi-long ol kantri husat i save kisim helpim long ol dona i kam long han bilong Gavi, Vaksin Alaiens bai i no inap long kisim moa, stat long yia bihain long dispela bai ol inap long baim tasol \$10 long wan wan pikinini i kisim numokoka vaksin.

Planti kantri bai hat long baim, na Papua Niugini em i wampela bilong ol.

Gavi i makim olsem taim ol kantri i no inap long baim vaksin long Gavi long mak bilong \$10 wan wan pikinini, ol bai baim 6-pela taim moa long kisim long kantri we ol inap long baim siksipela taim moa long kisim vaksin bilong numokoka.

“Kos tru bilong givim vaksin long wampela pikinini em i 68 taim moa dia winim mak bilonmg 10-pela yia i go pinis, na em bikos wan wan ol bikipela famasutikol kampani i wok long sasim ol dona na ol liklik kantri i no gat planti mani, bikipela mani tumas long baim ol vaksin, we ol i kisim

bikipela mani long ol pinis long ol kantri i gat planti mani,” Rohit Malpani, Dairketa Polisi na Analisis long Médecins Sans Frontières’ Ekses Kempein i tok.

Numokoka vaksin yet i save kos 45 pesen long givim vaksin long wampela pikinini tude long ol kantri i no gat planti mani samting (olgeta kos i karamapim wok long banisim pikinini long 12-pela sik i kamap long numokoka). Tupela kantri we i kamapim dispela vaksin, GSK na Pfizer, i bung wantaim na i tokaut olsem ol i kisim moa long \$19 bilien long taim ol i salim ol numokoka vaksin long wol long taim ol i bin stat long salim.

Médecins Sans Frontières nau i laik tokim ol GSK na Pfizer long bringim prais bilong numokoka vaksin i go daun long \$5 wan wan pikinini (em mas i gat olgeta tripela taim marasin), dispela prais em i kam daun liklik tasol long mak prais bilong \$6 (\$2/dose) we

kampani i wokim marasin na India Serum Institiut long wokim narapela kain marasin gen klostutaim.

“Mipela bai askim ol dona long putim \$7.5 bilien dola moa long tebol long baim ol vaksin long givim long ol kantri i no gat planti samting long narapela 5 yia bihain.

Sampela bilong dispela mani bai go stret long baim vaksin, bikipela prais bilong numokoka vaksin, tingting long mani bilong man i baim takis i ken givim vaksin long planti moa pikinini, sapos prais bilong vaksin i liklik tasol inap long baim.

Mipela i ting olsem nau em i taim bilong GSK na Pfizer long mekim wok bilong bringim vaksin i go long ol kantri wantaim liklik prais tasol na bai ol kantri i ken kisim longpela taim moa bikos ol diskaun i kam long ol kampani nau em i no gutpela tumas,” Malpani i tok.

Ramu NiCo putim prodaksen mak bilong 2015

RAMU NiCo Menesmen (MCC) i putim prodaksen mak bilong en bilong dispela yia olsem 83 pesen taim projek wok i stap long karimaut ol tes long ol masin na prodaksen wok.

Dispela prodaksen mak kampani i putim i go wantaim wanem samting mam kampani husat i givim mani long Projek kamap, MCC Grup na ol arapela seaholda tu i laik lukim kamap.

Presiden bilong Ramu NiCo Menesmen (MCC), Wang Jicheng i tokaut long dispela long Ramu NiCo Anuel Wok Konpresns we i bin kamap long Mande, Januari 26 long Madang Bes na tu long video konpresns we ol lain menesmen na wok manmeri long Madang, KBK Main, Basamuk Rifaineri na Beijing opis sindaun long harim miting

Siaman bilong Ramu NiCo (MCC), Mista Zhong Shaoxing, Presiden Wang na Vais President, Wang Baowen i stap long dispela konferens we arapela vais presiden Charles Zha i go pas long lukautim miting long Madang Bes konferens rum.

Mista Wang i tok prais bilong nikel na kobalt i go long go daun na tu ol gat ol arapela hevi tu i stap,



Ramu NiCo wokman meri long Madang Bes i stap long konpresns rum long video konpresns. Ramu NiCo wokman meri wantaim menesmen fran long Madang Bes ofis

olsem na Projek bai wokim los long 2015 wantaim ol deficit kontrol mak bilong en, maski olsem em i kamap long 83 pesen disain mak bilong en.

“Long nau yet mipela i bungim ol salens long sait long kwaliti divel-

opmen, salens long prosesing, stap bilong tim na menesmen bilong kalsa na ol arapela samting bilong wok,”

Long mekim prodaksen i go antap na bikpela na operesen menesmen level, mipela i kamapim

wanpela ‘12345’ menesmen wokplen long pinisim ol wok we i stap long sait long kes-flo na wok kamap.

Dispela ‘12345 wok mak’ i karamapim menemen bilong mani go we, luksave long kompetisen na helt, sefti na envairomen, kamapim

ol senis na operesen wok na divelop, en na kirapim mak bilong prodaksen.

Mista Wang i tok 2015 i no yia we i gat salens tasol. Em yia we Kampani mas wok strong long stap bilong en na lukluk long wanem rot long bringim kamap gutpela samting long helpim em yet.

Siaman bilong Ramu NiCo, Mista Zhong long pinisim toktok bilong em i tok Ramu NiCo Projek em fleg o bikpela han-mak bilong MCC Grup na sapos em i kamap gut, em bai wanpela bikpela invesmen bilong wanpela China bisnis autsait long kantri China.

Siaman Zhong wantaim Presiden Wang i askim olgeta wokman meri bilong Ramu NiCo Projek long sanap strong na amamas long wok bilong ol wantaim Projel long bringim kaikai bilong wok i go long ol stekholda na ol i ken luksave long wanem ol helpim Projek i ken bringim.

Presiden Wang i putim aut mak bilong Projek long ‘Nogat bagarap i Kamap’ long dispela yia, na i laik lukim Komyuniti Afes dipatmen bilong Ramu NiCo i wok klostu wantaim ol autsait stekholda olsem ol papagraun long kamapim gutpela wanbel pasin long lukim wok bilong Projek i go het gut.

NPCP i sapotim HR bilong kantri

Stanley Nondol i raitim

NESENEL Petroleum Kampani bilong PNG (NPCP), i gat luksave olsem Humen risos (HR) em bikpela samting na bihain bilong kantri em stap long han bilong ol save man.

Kampani i tok em bai yusim ol winmani bilong oil na ges long kantri long sapotim eukesen bilong PNG sitisen.

NPCP long las wik i tokaut long sapotim wanpela sumatin aninit long greduet divelpomen skim (GDS) bilong kampani na i welkam long long narapela sumatin i kam bek long stadi long Australia.

Menesing Dairekta bilong NPCP, Wapu Sonk i tok long narapela kantri long wol, ol i save yusim ol wimmani bilong oil na ges na ol winmani long maining sekta long sapotim HR na nau em taim bilong PNG long mekim wankain.

Long las wik NPCP i tokaut long tupela sumatin we kampani i kisim long namba wan taim aninit long GDS program.



(Long lef i go long rait) : Zechariah Yakap – Greduet Fesiliti Enjinia, Elliona Maso- Greduet tPetroleum Enjinia, NPCP Menesing Darekta, Wapu Sonk, Fasiliti Enjinia ,EllionaMaso – Greduet Petroleum Enjinia, Eddie Lemson na Michael Putupai

Kampani i tokaut long Elliona Maso- Greduet Petroleum Enjinia na Zecharia Yakap- Greduet Fesiliti Enjinia.

Mista Sonk i tok rot bilong makim ol kendidet sumatin long kisim wok wantaim NPCP i hatpela tru na i gat tri-pela rot bilong makim ol

sumatin. Em i tok Misis Maso na Mista Yakap bin top kendidet long lista bilong sumatin aninit long GDS bilong kampani.

GDP bilong NPCP em tupela yia na ol sumatin husat bai wok wantaim kampani bai go long trening long ol divisen insait long kampani.

Ol bai kisim stia tok na ol toktok bilong strongim ol long fil bilong ol.

Sapos ol sumatin i mekim gut wok insait long tupela yia, kampani bai makim ol long wok pemenen na ol husait kamapani i no makim em bai ol i go aut wantaim eksperiens na pepa.

Kampani long las wik tu i tokaut long baim olgeta skul fi bilong Eddie Lemson bilong Komo, Hela provins long stadi long Curtain Yunivesiti long Australia.

Mista Lemson i mekim fes yia pinis long las yia na kampani bai sapotim em long dispela yia na ol yia i kam inap em pinisim digri bilong em long Petroleum Enjinia.

NPCP long wanwan yia bai baim olgeta skul fi, balus tiket, alawens olsem hausing, na ol arapela long stap na skul long Australia.

Mista Sonk i tok kampani bai putim was long Mista Lemson long ol skul risal na ol arapela pasin na kondisin kampani i laikim long en em i no ken bagarapim long lusim sapot bilong NPCP.

Kampani tu i tok welkam long Michael Putupai husait i pinisim Masta digri long Curtain Yunivesiti bilong Teknoloji long Australai.

Mista Putupai i go aninit long AusAid skolasip tasol kampani bin sapotim em long tupela yia. Em i wanpela wokman bilong NPCP na i stap yet bihian long em kam bek.



Hap graun long Sepik veli, Oil pam projek.

Gavman bai painim investa bilong Sepik ikonmik jon

Stanley Nondol i raitim

SEPIK ikonmik jon i lukim planti investa i soim laik long patna wantaim gavman long mekim bikpela Oil Pam na ol arapela egrikalsa na laip stok projek tasol i no gat wanpela divelopa yet long dispela taim bihain long divelopa, Wilma International Limited i lusim dispela projek na go aut.

Gavman i tok projek i redi long stat bihain long planti toktok i kamap namel long ol planti investa na gavman long wokim join vensa projek.

Minista bilong Tred, Komes na Indastri, Richard Maru long dispela

wik i tok fisibiliti stadi i go gut na wok long ikonmik jon bai stat long dispela yia.

Gavman i tokaut olsem graun long Sepik veli long Is Sipik bai kamap wanpela bikpela projek eria bilong Oil pam, laipstok na ol arapela egrikalsa krop.

Projek divelopa, Wilma international Limited i lusim bin laik kontrolim dispela projek o em bai gat rait long kamap papa bilong projek. Long dispela gavman i tok nogat.

Minista Maru i tok husait divelopa i laik kam mekim bisnis long kantri bai kamap olsem join vensa wantaim gavman na pipel bilong kantri yet na i no inap kamap papa

bilong projek.

Minista Maru i tok planti investa long ausait i soim laik pinis long kamap patna na klostu taim bai gavman tokaut long wanpela divelopa long dispela projek.

Minista Maru i tok gavman i putim mani na mekim rot, putim pawa saplai wokim polis stesen long kontrolim lo na oda long mekim isi long ol investa bai bilip long ol invesmen bilong ol.

Em i tok long dispela taim nau, ol wok olsem sevei, graun mobalaisesen i go het long toktok wantaim ol papagraun long kisim moa graun long planim oil pam na ol arapela egrikalsa samting.

Wok long PMIZ i go orait

Stanley Nondol i raitim

WOK long Pasifik Marin Industri Zon (PMIZ) long Madang provins i go gut na i luk olsem olgeta wok ba i pinis long Januəri 2014. Na gavman i lukluk long givim moa sapot long dispela projek-bai pinis na karim kaikai.

Minista bilong Tred, Komes na Industri, Richard Maru i tok em i amamas long lukim wok long dispela projek i ron orait taim em i go lukluk raun long projek eria long stat bilong mun Januəri. Ol wok olsem driling, na ol ara-

pela wok bilong projek stat ran long gupela mak long wok bai pinis long na projek bai stat.

Kampani i mekim ol konstraksen wok em China International Economic Technical Cooperation Limited. Em wanpela kompani we gavman bilong Saina i givim wok long mekim PMIZ projek.

Miista Maru i tok dipatmen bilong Tred, Komes na Industr ibai kisim wanpela sabmisin i go long Nesenel Eksektiv Kaunsil (NEC) long gavman ba imakim wanpela praivet pawa kompani long givim pawa saplai long PMIZ projek sait.

Na bai askim gavman long givim-tokorait long wanpela praivetwara kompani long wokim wanpela wara sapla ibilong PMIZ projek tasol.

Minista Maru i tok tenda bilong dispela tupela wok i pas pinis na-tenda bod i nau lukluk long ol aplikesen i kam long ol kompani.

Sekreteri bilong Dipatmen bilong Tred, Komes na Industri, John Andrias wantaim ol wokman bilong dipatmen nau i wok long painimaut ol spinof bisnis bilong PMIZ na bai givim i go long ol tripela komyuniti bilong projek eria. Ol tripela komyuniti em, Kananam, Rempina Bai-

tata.

Minista Maru i tok Madang provinsal gavman tu bai gat sans long kisim sevis long PMIZ projek.

Minista Maru i givim dareksen long dipatmen i mas kamap wantaim wanpela konstitusen bilong ol komyuniti husait bai kisim ol sevis-bilong projek. Em i tok ol kompani bilong komyuniti long projek eria i mas holim ileksen long makim bod long ol bai kisim luksave bilong gavman long ol i ken wok long PMIZ projek eria long kisim ol spin of sevis.

Na llektoral komisin bai kamapim

ileksen bilong kompani. Husait man i baim sea bilong kompani aninit long komyuniti kompani tasol bai vot long makim bod memba aninit long konstitusen bilong kompani.

Minista Maru bai toktok wantaim-memba bilong Madang, Nixon Duban na Gavana Jim Kas wantaim ol memba bilong provinsal edministresen na bihian bai em bung wantaim ol memba bilong papagarun kompani-Rempina Baitata komyuniti long toksave long ol long ol sevis na spin of bilong PMIZ projek.

MCC-Grup salensim Ramu NiCo long mekim gut

CHINA Metalujikol Grup Koporesen (MCC-Grup), mama kompani husait i givim bikpela mani long kirapim Ramu NiCo Projek i laik lukim olsem Ramu NiCo i wok strong long sait long teknikal wok long taim em karimaut ol test operesen long kamap wantaim 83 pesen disain mak long dispela yia 2015.

Siaman bilong Ramu NiCo, Zhong Shaoxing i tokaut na bringim dispela askim bilong MCC-Grup long Mande taim sinia menesmen na ol wokman meri bilong Ramu NiCo i stap long Annual Wok Konferens bilong Kampani.

Dispela salens na toksave em ol lain wok lain long Madang Bes, KBK Main na Basamuk Rifaineri i stap harim long Mande, Januəri 26.

Mista Zong i tok insait long operesen wok sekap o appraisal Ramu NiCo i sainim wantaim MCC-Grup, ol i putim gen tripela moa wok antap em Ramu NiCo i mas wokim long bringim projek i kamap gut na tu wok strong long ol teknikal sait.

Mista Zong i tok wanpela long ol dispela wok em long mak bilong stretim ol teknikal masin long wok. Insait long dispela ol teknikal mak, MCC-Grup i laik lukim olsem Ramu



Bod Siaman bilong Ramu NiCo Menesmen, Zong Shaoxing (raithan) i stap long Beijing na givim toktok long ol Ramu NiCo wok eria long PNG long video konferens na Presiden Wang Jicheng i lukluk.

NiCo i mas sanap strong long stretim ol hevi na daunim ol bagarap insait long proses wok bilong ol masin na rausim ol samting i pas-sim rot long lukim wok i go het.

“Olsem na long 2015, wok long stretim ol samting long ol masin na teknikal eria bilong wok em bikpela wok mipela mas wokim, na mipela bai putim strongpela was long ol

wok insait long dispela eria,” Siaman Zong i tok.

Em i tokaut tu olsem MCC-Grup insait long yia miting bilong en i toktok moa long wanem samting ol i laik lukim i kamap long developmen bilong Ramu NiCo Projek. Ol i laik lukim olsem dispela nikel/kobalt projek long PNG i mas sanap strong na mekim win-moni o profit, olsem na ol i sanap strong long sapotim wok bilong Ramu NiCo.

“Long nau yet MCC-Grup i putim ai long Ramu NiCo Projek bikos em wanpela nupela maining bisnis we ol i laik promotim aninit long foapela bikpela bisnis lain na 8-pela wok ol i stap insait long en,” Mista Zong i tok.

“Mipela i save gut olsem mipela bai kamapim liklik win-moni tasol bikos metal prais long wol i pun-daun. Tasol bikpela long ol salens em strongpela kompetisen mipela i

gat long en,

“Bikpela wok bilong mipela nau em long wok i go kamap long nempet wok mak na rausim wanem ol dinau mipela i gat,” Mista Zong i tok.

Em i tokaut long sampela ol hevi we Projek i bing olsem nogat inap mani, ol teknikal saveman na tumenesmen i no strong tumas.

“Tasol, mipela mas sanap strong na mekim gupela wok long abrusim ol hevi long kamap strong na kamap bikpela na bringim apresis insait long maket,”

“Taim mipela i wokim olsem, mipela bai stap yet na develop na mipela i ken soim olsem dispela Projek em trupela kala bilong MCC-Grup long ovasis, na tu em i ken bringim helpim i go long ol sea-holda na ol stekholda bilong en,” Mista Zong i tok.

Em i givim strongpela salens long Ramu NiCo kompani menesmen long stretim gut ol menesmen save bilong en long mekim kampani i kamap olsem bisnis we i ken bringim kamap profit na wok strong long kamap wantaim 83 pesen wok operesen mak long dispela yia 2015.

Philippines laik ronim balus sevis long PNG

KANTRI Philippines i gat laik long ronim balus bisnis long PNG na ol sampela deligesen bilong Philippines i kam long kantri long stretim toktok wantaim PNG gavman.

Wanpela teknikal tim long balus kampani, Philippines Airline i kam long PNG las wik long toktok wantaim Sivel Eviesen Atoriti na ol arapela gavman bodi long balus bilong ol bai kirap long Philippines na kam stret long Pot Mosbi tupela taim long wan wan wik.

Philippines i lukluk long namaba wan balus bai kam long Pot Mosbi long Manila long Epril 3, 2014.

I gat wanpela plen olsem Philippines Airlines bai kam long PNG long Manila, tupela taim long wanpela wik.

Tasol wanpela samting dispela tim i lukluk long toktok wantaim gavman em long kos

bilong mekim bisnis. Kos bilong fiul, kos bilong sekyuriti kos bilong ol arapela samting tu long ronim bisnis long kantri em dia tumas.

Ol teknikel tim i pret liklik long ol dispela kos bilong ranim bisnis na i wok long tok-tok yet wantaim gavman. Na taim dispela balus kampani bilong Philippines i mekim ron bilong em bai lukim kos bilong balus tiket i kam daun.

Minista bilong Komes na Tred, Richard Maru i no wanbel long kos bilong balus tiket bilong Air Niugini long intanesenel na domestik flait wantaim i dia tumas. Em i tok dispela kos em moa dia na i antap moa long wol. Em i tok Air Niugini na gavman i mas traim daunim kos bilong tiket.

Dispela kos bilong balus em wanpela bikpela hevi we ol turis long wol i no laikim na em

i wok long pasim turis bisnis long kantri.

Mista Maru i bung wantaim ol teknikal tim bilong Philippines las wik long Pot Mosbi na ol i toktok long ol sampela rot bilong bisnis na daunim kos na kamapim pren long bisnis namel long tupela kantri.

Mista Maru i tok kantri i mas long daunim balus fi kam daun long wankain long ol arapela kantri. PNG em dia tumas long wol.

Planti ol sumatin billong PNG i skul long Philippines na tu planti Philippine i wok na stap long PNG. Tasol kos bilong balus tiket bilong Air Niugini namel long tupela kantri i antap tumas. Em i dia tumas long sampela taim ol papamama na ol sumatin bai go kam long holide.

PNG i wet tasol long lukim namba wan flait bai kam long Pot Mosbi long Epril 3 2014.

Benk sasim bikpela intres antap long dinau mani- NRI

WANPELA stadi Nesenel Rises Institut i mekim long ol intres reit bilong benk long dinau na diposit i tokaut olsem ol benk i sasim bikpela intres reit long ol dinau na baim liklik intres long ol deposit. NRI i pinisim dispela stadi na bai tokaut long neks wik Mande long wanpela woksop long Pot Mosbi.

Wanpela profesa bilong Fainens long skul bilong Bisnis long Yunivesiti bilong Nu Saut Wels, Australia na risets asosiet long NRI, Profesa Chand i mekim dispela wok painim.

Dispela wok painim bin soim olsem mak bilong in-

tres reit ol benk sasim long ol lon na diposit em antap tru long las 10 –pela yia.

Dispela bikpela mak o sas em kamap taim benk i sasim bikpela reit long ol dinau mani o benk lon na liklik intres benk i baim long ol deposit kastoma i mekim.

Wok painim i kamap long reit bilong benk givim lon na reit bilong kastoma i dipositim mani long benk bihainim polisi, Benk bilong Papua Niugini i putim long ol komesel benk bai bihainim.

Bikpela intres reit bilong benk i save mekim ol investa i pret long kam insait na liklik intres long ol di-

posit i no helpim ol pipel bilong kantri. Tupela wantaim i mekim winmani long famili na kantri i no gro hariap.

Dispela woksop we profesa, Chand bai go pas long en em long kamap long Mosbi em long toktok long rot bilong daunim bikpela intres reit wantaim ol sampela polisi bilong helpim dispela.

Bikpela lukluk bilong dispela woksop em long bungim ol komesel benk, Nesenel Developmen Benk, ol fainensel institusen, Kina Fainens, Dipatmen bilong Tresari na independen Konsuma na Kompetisen Komisin (ICCC) na ol kredit korektiv Sosaiti.

Ol nupela senis i bai kamap bihainim 2014

Esther Bralyn Wani
UPNG sumatin i raitim

LAS yia 2014 em i wanpela gutpela yia long Koreksenel Sevis (CS) wantaim hat wok bi-long ol opisa. Ol i bin stap strong , harim tok na bihainim ol tok.

Dispela em Komisina bilong Koreksenel Sevis, Michael Waipo i tok long pas aut bilong 136 sumatin long CS kolis long Bomana.

Sampela bilong ol hatwok we i bin kamap gut long 2014 na Mista Waipo i tok aut em, Pasi-fik Women's Konprens long Koreksen we i bin kamap gut, makim deputi na Asisten Komisina long stretim dipatmen na kontrolim ol, wokim plen long bekim dinau, pinisim Gumine Rural Lok Ap, na trenim ol nupela sumatin i pinis nau.

Em i tok CS bai wok long strongim toktok bilong ol na pinisim ol Lok Ap long Finsafen, Moreguina, na Misima. Na tu statim Bulolo, Pangia,

Baiya na Pomio bus lokap projek.

Long wankain taim, bai em i bung wantaim gavana bilong Enga, Peter Ipatas na ol lida bi-long Enga long statim Mukurumanda haus kalabus long dispela yia. Ol narapela haus kalabus bai op dispela yia em, Hawa long Hela, Bundaira long Galp we i pas nau yet, Bogenvil, Westen Provins na Jiwaka bai gat nupela haus kalabus. Na tu bai ol i wokim nupela haus kalabus bilong Manus, Kavieng na Sandaun na long ol narapela hap tu.

Komisina Waipo i tok em i lukluk long bung wantaim Komanda bilong Difens Fos long kamapim kedetsip patnasip namel long ol Koreksenel Opisa long kisim kadetsip tren-ing wantaim ol Difens Kadet Opisa. Em i laik sekim sans long bungim Polis na Difens long kamapim lidasip progrem long wanem ol i ken gat ol lida long 3-pela ol disiplin fos tu.

Embeseda bilong Indonesia i givim leta bilong kredens

Embeseda bilong Indonesia, Ronald Josef Pariaman Manik i presentim leta bilong em we Presiden bilong Ripablik bilong Indonesia i givim long Gavana Jenerel Michael Ogio long gavman haus, las wik Fraide.

Mista Manik i tok diplomatik rilesen namel long Indonesia na Papua Niugini i bin kamap long 1975. Em i tok bailetrel rilesen i gro na develop olgeta yia. Na ol lida bilong tupela kantri i wanbel long bung wantaim.

Em i tok moa olsem tupela kantri i tok long rispekim nesenel integriti bilong wan wan kantri. Na em i tok ol i save rispekim rait bilong ol man na meri, na strongim demokretik prinsipel long wanem em i

bilip olsem rilesen bilong yumi bai kamap strong na bai kamapim gutpela sindaun long ol pipel bilong yumi.

Long wankain taim Gavana Jenerel Sir Michael Ogio taim em i kisim leta em i tok long strongim wok poroman bilong tupela kantri long wokim planti tred invesmen na bisnis we i gat mining na bai helpim tupela kantri wantaim.

Sir Michael i tok dispela poro i bin kamap long saining bilong Kompriensiv Patnasip Agrimen namel long tupela kantri taim Praim Minista Peter O'Neill i bin go long Indonesia long 2013. Em i tok dispela visit PM i bin sainim sampela Memorandum bilong Andastanding na Agrimen (MOU) we i bin wokim bikipela biletrel rilesen.



Indonesia Embeseda Ronald Josef Pariaman Manik i givim ol leta kredensal i go long Gavana Jenerel Michael Ogio long las wik.

merinius U.S Embesi na Japan Gavman helpim Leitana Nehan

YUNAITET STETS Embeseda long Papua Niugini, Solomon Islands na Vanuatu, Walter North i bin go long wanpela seremoni bilong Japan gavman in sainim wanbel pepa long givim wanpela gren mani inap long USD \$81,252 (klsotu PGK202,000) long wokim wanpela nupela Human Risos Senta bilong Bogenvil NGO Leitana Nehan Wimen Developmen Ejensi.

Dispela mani gren i kam long helpim bilong Japan Gavman i go long Grasrut Human Sekyuriti Projek (GGP). Embeseda bilong Japan, Morio Matsumoto, i bin sainim dispela gren kontrak wantaim Helena Hakena, Dairekta bilong Leitana Nehan Wimen Developmen Ejensi.

"Dispela sainim seremoni em bai strongim pasin poroman namel long pipel bilong Japan na Papua Niugini, tasol em bai helpim long kamapim sampela moa ol stratejik patnasip long wok bilong jenda ikwaliti na strongim wok bilong ol meri namel long Papua Niugini, Yunaitet Stes na Japan" Embeseda bilong Japan Morio Matsumoto, i tok.

23 meri i pinis long CIS kolis

Esther Bralyn Wani
UPNG sumatin i raitim

OL 23 meri wantaim 113 man em ol namba wan lain long pinis aninit long Papua Niugini-Australia Lo na Jastis Patnasip trening program long Bomana Koreksenel Sevis las wik Fraide.

Papua Niugini Koreksenel Sevis i bung wantaim Queensland Korektiv Ekedemi long trenim ol Kolis Treina na kamapim nupela karikulum bai ol Koreksenel Opisa i kisim Setifiket 3 long Koreksen wankain olsem ol Australia na Solomon Ailan.

Carolyn Rumabi bilong Bogenvil em i wanpela bilong ol 23 meri i pinis long CIS. Em i amamas long stap namba wan rikrut we ol i gat ol nupela kain ol program. Em i tok em i bin hat long taim em i stat tasol taim em i stap insait long sistem em i kamap isi.

"Ol samting mi lainim em bilong helpim ol man i wokim rong, i no bilong paitim ol tasol em bilong skulim ol long gutpela samting. Mi lukim olsem CIS i gat gutpela sans we bai yu lainim ol gutpela samting. Mipela save ting olsem CIS em ol bebi sita



Helen Hakena sekan wantaim Embeseda bilong Japan, Morio Matsumoto na Embeseda Walter North bilong America, bihain long sainim agrimen.

"Mipela i amamas tu long U.S. Embesi long em i soim mipela long Japan Embesi long helpim mipela. Dispela bai helpim mipela long wokim senta bilong mipela na bai mipela i ken mekim moa wok long sapotim ol meri long Bogenvil" Misis Hakena i tok.

Long taim opis bilong Leitana Wimen Developmen Ejensi i paia long yia 2010, ol i no bin gat wanpela gutpela ples long wok tasol ol i go het yet long

mekim wok bilong ol long kaunseling wantaim mani helpim i kam long Yunaitet Stets na ol arapela dona. Nupela senta i givim ol gutpela opis na ples bilong wokim trening.

Embeseda North i tok, "Yunaitet Stets na Japan i gat strongpela laik na tingting long helpim ol meri Papua Niugini long winim pasin bilong vailens long laip bilong ol. Mi amamas long Gavman bilong Japan long lidasip bilong en long

dispela samting. Mipela i laik wok moa long kain wok bung olsem long bihain tu, kain olsem PNG Wimen Forum we bai kamap long Mas."

U.S. Embesi long Pot Mosbi na U.S. Ejensi bilong Intenesenel Developmen (USAID) i save sapotim wok bilong Leitana Nehan Wimen Developmen Ejensi long wokim ol trening wok-sap na ol wok bilong jenda na human rait awenes, pis bilding na gutpela gavanens kepesiti bilding.



Minista bilong Koreksenel Sevis, Jim Simatab i lukluk raun long ol nupela probetori koreksenel opisa.

tasol em bilong gutpela sindaun bilong ol man. Planti ol yangpela i wok nau bikos long ol nupela program olsem riabilitesen we ol i go skul na stap long Yunivesiti na sampela i kamap menesa", em i tok.

"Ol i bin kisim 145 sumatin na 9-pela i kisim trening long 1-pela mun tasol na ol i wok olsem ol helt opisa. Ol 136 opisa i

gat ol teknikel save long kapentri, moto mekenik, tisa na akaunten na ol narapela olsem ol opere-senel opisa," Komisina bilong Koreksenel Sevis, Michael Waipo i tok.

Ol i pinisim 4-pela mun bilong trening insait long klas na nau bai ol i wokim 5-pela mun wok trening bai ol i kamap olsem Probetori Koreksenel Opisa.

Mista Waipo i tokim ol 136 sumatin olsem dispela wok em i gat bikipela salens na em i gutpela long sampela, tasol long sampela em bai no gat planti amamas. Em i tok yupela i gat sans nau long mekim yupela i kamap wanpela gutpela opisa sapos yupela i makim gut rot bilong yupela.

Bomana Marist Kolis i pas

**Bikpela kombain
sios bai kamap
neks ya**

I kam long Zenit Vatiken nius ejensi

KATOLIK na Luteran Sios long wol level bai holim wanpela bikpela kombain bung long neks ya long skruim wok bung wantaim namel long tupela sios bihainim het tok, “Long hevi i go long mak bilong wok bung o long Tok Inglis,” From Conflict to Communion”.

Tu, long luksave long ol gutpela samting i kamap long wok bung na toktok namel long ol na moa yet, bilong redi long taim namba 500 anivesari bilong Rifom bai kamap long 2017.

Luteran Wol Faundesen (LWF) na Kaunsel bilong Promotim Kristen Yuniti (PCPCU) bai go pas na holim dispela bikpela kombain bung.

Yia 2017 bai makim tu 50 yia bilong ekumenikel toktok na wok bung namel long Luteran Wol Faundesen (LWF) na Romen Katolik Sios.

Bihainim Wik bilong Preia long Kristen Yuniti i bin kamap long dispela mun, tupela siois i bin tokaut olsem ol bai wok long plen long neks ya bikos dispela bai kamap wanpela yia poastaim long Rifomesen anivesari.

Dispela koimbai bung bilong neks ya bai soim ol wok long eria bilong ekumenikel developmen namel long Katolik na Luteran Sios.

Bai ripot we tupela i redim, “Long hevi i go long mak bilong wok bung”- Luteran Katolik Komon Komemoresen bilong Rifomesen long 2017.

Ol Luteran na Romen Katolik Komisin bilong Yuniti i bin pablisim ripot long 2013, na dispela em i namba wan taim long tupela sios i autim ol wok i kamap namel long ol insait long wanpela intansenel bung.

Bogenvil nau i wok olsem ol bisop long Solomon Ailan na Vanuatu.

Bisop John Doaninoel bilong Tinputz long Bogenvil i bisop long Solomon Ailan, na Bisop John Bosco Baremias bilong Carterets Ailan i bisop long Vanuatu.

Pater Justin i tok kolis i save givim trening long ol yangpela man long kamap ol gutpela sitisen bilong dispela kantri, komyuniti na sosaiti na bihain long 6-pela yia, em i laik bilong ol.

“Sapos ol i laik kamap pater o lusim, em laik bilong ol,” Pater Justin i tok.

Long Novemba 22 las yia, olgeta Marist pater long Bogenvil na PNG i bin wokim laspela bung long Bomana long pasin kolis.

Pater Justin i tok ol bai salim kolis i go long ol narapela (seminari) kolis we i sot long haus na sampela sumatin bilong ol i stap long Mosbi taun na go skul long Bomana.

Em i tok ol Marist kongriksen i wok long painim wanpela peris long Mosbi siti long lukautim na Pater Justin i wet long Asbisop John Ribat long wokim disisen long dispela.

Em i tok long nau, em (Pater Justin) i lukautim wok long stre-tim wokabaut bilong ol Marist kongriksen i raun i go na i kam long kantri long sait bilong visa, paspot, ol wok pemit na ol kain wok olsem.

hain long namba wan Marist pater i bin go sua long hap long yia 2001 na i mekim dispela yia 114 krismas ol Marist misineri i bin planim Gutnius long Bogenvil.

Ol Marist misinari bilong Germani, Holan, Frans, Amerika na Ireland i save wok long Bogenvil inap long Bogenvil pait na ol i lusim ailan.

Olsem na Bogenvil long Atonomas Rijon, Kanosia long Bereina Daiosis, Sentrel Provins na Bomana Marist Kolis em ol tripela eria we ol Marist Pater kongriksen i wok long ol.

Pater Justin i tok Bomana Marist Kolis i bin opim dua long kisim ol namba wan sumatin long 1969 na i kam inap nau, Marist Kolis long Bomana i save kisim ol sumatin bilong PNG na ol Pasifik Ailan kantri.

Tasol em i tok nau, mak bilong ol sumatin i go long Marist skul semineri i no planti na taim ol i skelim mani long ranim tupela kolis, hevi i stap. Na olsem ol i wokim disisen long pasim Bomana Marist Kolis olgeta long dispela yia na salim ol sumatin i go skul long Suva, Fiji.

I gat 18 Marist Pater i wok long PNG. 15-pela i bilong Bogenvil, wanpela bilong Manus, wanpela bilong Tonga na wanpela bilong Fiji.

Tupela Marist pater bilong

Na taim nius i kamap olsem Marist Kolis long Bomana bai pas, planti pipel i no bin amamas.

Long dispela wik, *Wantok* i bin toktok wantaim Pater Justin Ratsi SM, em Rekta o bos bilong Bomana Marist Kolis.

Pater Justin i tok as tingting long pasim Bomana Marist Kolis em long hevi long sait bilong mani na tu, i no gutpela long ranim tupela (Marist) kolis taim mak bilong ol yangpela man i laik skul pater i no bikpela.

“Marist i gat tupela kolis. Wanpela em long Pasifik Rijinol Trening Seminari long Suva, Fiji, na namba tu em dispela long CTI, Bomana. Bikos long hevi long mani, ol Marist atoriti i wokim disisen long pasim Bomana Marist Kolis na lusim wanpela kolis tasol long Suva, Fiji i stap.

“Ol yangpela man long PNG i laik kamap ol Marist pater bai go skul long Suva.

“Wok long salim ol nupela sumatin i go long Suva Marist seminari i bin stat long 2013, na nau i gat 12-pela Marist sumatin bilong PNG i skul long Pasifik Rijinol Trening Seminari long Suva,” Pater Justin i tok.

Em i tok long dispela yia, 6-pela nupela sumatin i go skul long Suva.

Long PNG, Bogenvil em eria bilong ol Marist kongriksen bi-



Sios belo i sanap strong yet

MONOITU SIOS BELO: Dispela sios belo i gat bikpela wok bilong en long bungim ol pipel na komyuniti wantaim long strongim bilip na spirituel laip bilong ol. Belo i sanap gut na ol flawa i bilasim i stap na luknais. Bogenvil hevi i no bin bagarapim dispela sios belo. *Poto: Veronica Hatutasi*

Long planti Katolik peris insait long ol provins na kantri, bai yu lukim ol sios belo olsem dispela i sanap long Monoitu Katolik Misin, Siwai long Saut Bogenvil.

Dispela sios belo i stap klostu 100 krismas nau. Namba wan Katolik misineri bilong kantri Luxemburg long Yurop i bin krugutim ples long yia 1901 na kirapim Monoitu Katolik misin. Long wankain taim tu, em i karim dispela sios belo i kam. Saun bilong dispela belo i save pairap i go long ol longwe ples long ol Sande lotu taim, long makim belotaim long ol skul de na olgeta de na taim sampela bikpela samting i kamap long peris.

Klostu 6 milien pipel i bin lukim Pop Francis las yia

...Klostu inap long mak i bin kamap ileksen bilong Pop Francis

KLOSTU 6 milien pipel i bin go lukim Pop Francis long Vatiken las yia, ol ripot i kam long Vatiken i tok.

Ripot i kam long Prifeksa long Papal Haus i tok 5,900,000 bilip manmeri i bin go insait long ol prea na lotu wok long Vatiken na i bin gat sans long bungim na lukim hetman bilong Katolik Sios,

Pop Francis stat yet long namba wan de bilong 2014 inap long Disemba 31, 2014.

Long ol dispela, 1.2 milien em ol “general audience” ol lain i go lukluk raun tasol, 567,100 em ol “private audience” o ol lain i gat sampela wok na ol i laik lukim pop, i.i milien i bin stap insait long litejikel selebresen long Vatiken Basilika na Sen Peter’s Skwea na 3 milien i bin stap long taim Pop Francis i givim Angelus o belotaim etres o toktok bilong em.

Mun Epril, Me na Oktoba em ol bisi mun stret we planti pipel i bin stap insait long ol lotu selebresen.

Piksa em long Ista i pun-daun long mun Epril we 730,000 bilip manmeri i bin bung long selebretim Ista.

Namba tu bikpela mak em



Pop Francis

Oktoba we 140,000 bilip manmeri i bin bung long amamasim ol litejikel selebresen.

Long las yia, prifeksa ripot i tok stat yet long Mas 13 taim ol i bin makim Pop Francis olsem hetman bilong Katolik Sios long wol, klostu 6.7 milien pipel i bin i bin stap insait long ol program i kamap long Vatiken na ol i bin gat sans long bungim Pop insait long ol kain program olsem

“general audiences” we 1,548,500 i bin kamap, “private audiences” we ol i bin rekodim 87,400, “ol liturgical celebrations” long Vatican Basilika na long Sen Peter’s Skwea ol i bin rekodim 2,282,000, na long Angelus and Regina Coeli we i bin pulim 2,706,000.

Ripot i tok long 2013 wantaim Pop Benedict, 2.3 milien bilip manmeri na ol visita i bin joinim nau Pop Emeritus long liteji na ol prea.

Givim strongpela mekim save long ol raskel polis

Las wik long ples Hanuabada long NCD, sampela raskel polis i bagarapim gutpela nem bilong Royal Papua Niugini Konstabuleri gen. Ol polis i go insait long ples na sut nabaut long gan long raunim ol lain long buai maket na katres i kilim tupela man bilong ples. Ol dispela tupela yangpela papa i no kamapim wanpela trabel, ol i stap long ples bilong ol na polis i kilim ol. Bikpela sori na kros wantaim i kamap long Hanuabada na ol Motu/Koita pipel i pasim bikpela rot long ples bilong ol.

Ol pipel na bisnis long siti i kisim taim tu. Fiul bilong ol kar na balus tu i sot bikos rot i go long ples bilong kisim saplai i pas. Planti blakaut i kamap bikos PNG Power i no gat inap fiul long ranim ol jenereta bilong kamapim ilektrik pawa.

I gat planti ripot i kamap nau long ol pipel i dai long han bilong ol polis. Long mun Desemba polis i bin sutim wanpela yangpela mama long Lae na em i dai. Ripot bilong wok painim i soim olsem polis i sutim dispela meri.

Orait long ples Tatana long Mosbi long tupela wik i go pinis, wanpela yangpela man i dai long taim ol polis i go long arestim sampela saspek.

Famili bilong em i sutim tok long ol polis i kilim em. Ol arapela provins i bungim dispela kain hevi tu.

Planti askim i kamap long famili bilong ol lain i dai na long maus bi-



long ol arapela Papua Niugini tu. Ol pipel i laik save sapos i gat lo bilong polis we i givim tok orait long wanem kain taim ol polis i ken yusim gan. Na sapos ol dispela polis i kisim trening long yusim gan o nogat?

Polis Komisina Geoffery Vaki yet i tokaut long pablik olsem i gat lo bilong ol Polis i tok klia long wanem taim ol polis i ken karim gan na wanem taim ol i ken yusim gan na arapela samting bilong pait.

Em i tok klia olsem ol polis i ken yusim gan long sevim laip bilong ol yet na ol arapela pipel long taim bilong trabel. Komisina Vaki i singaut

long olgeta komanda bilong polis-fos long lukim olsem olgeta polis-man i mas bihainim stret lo i bosim wok bilong karim gan na wanem taim ol i ken yusim gan.

I gat narapela askim i stap tu long ol ples olsem Mosbi we i gat ol risev polis o spesel polis i mekim wok bilong ol kampani o ol grup.

Ol dispela ekting polis i gat pawa long karim gan long pablik ples na pretim ol manmeri o nogat? Ol i kisim trening na laisens bilong yusim gan tu o nogat?

Ol i gat pawa long yusim gan long raunim nating ol manmeri long maket o arapela pablik ples o nogat?

Ol i gat gutpela rekot pastaim long ol i kamap risev polis o nogat? Na kontrak bilong ol i soim hamas yia o mun ol i mas wok bipo long ol i ken karim gan o nogat?

Ol dispela askim i kamap bikos long pasin bilong wan wan bikhet polis. Yumi ol pipel i gat bikpela rispek long lo na oda na gutpela sindaun insait long komyuniti na wokples bilong yumi. Yumi gat rispek long laip bilong ol arapela manmeri.

I gat bikpela rispek na luksave i stap long gutpela wok bilong ol polis man na meri insait long kantri.

Planti moa bilong ol i mekim bikpela hatwok tru long lukautim lo

na oda na yumi ol pablik i stap gut. Planti bilong ol i wok long ol ples longwe long taun na famili bilong ol i painim hevi.

Planti bilong ol i no gat gutpela haus slip. Ol i stap wantaim ol wantok na i go mekim wok bilong sevim ol pipel. Yumi tok tenkyu long ol.

Tasol i mas gat wok painim i kamap long painim ol raskel polis na rausim ol. Kantri bilong yumi na ol pipel tu, i no nidim ol kain lain nogut olsem long mekim wok bilong lo na oda.

Na olgeta polisman na meri i mas klia gut long ol lo i bosim gan na wanem kain taim ol i ken yusim gan long stopim trabel.

Ol toktok bilong sekim graun i go hait

Planti komplek na kros i kamap pinis long pasin bilong kisim graun insait long ol taun na siti we opis bilong Lens Dipatment i save givim aut taitel long ol lain.

Long las yia planti komplek na kros i kamap long ol graun insait long Lae na Mosbi we ol bisnis lain na kampani wok long kisim. Ol dispela graun em bipo yumi save olsem em graun bilong ol asples, graun bilong gavman na graun bilong skul.

Long Mosbi em bikpela pilai graun long Waigani Draiv we ol lain Sauten rijon save pilaim kriket long em em bikpela banis i pasim pinis. Dispela i soim olsem sampela lain i papa long dispela pilai graun nau we em i no moa spot graun.

Ating planti manmeri husat i lapun na bikpela long Mosbi siti i save gut long dispela graun na ol inap komplek na askim gavman long tok klia long wanem kain rot na as sampela ol lain laik kisim dispela graun olsem praivet graun bilong ol nau.



Allan bin tok long ol bai sekim gut na tokaut long wanem kain rot ol lain kisim dispela graun. Tasol ol ripot tok wanpela bikpela bisnisman bilong narapela kantri i gat nem long dispela olsem na nogut em bai hat long gavman i rausim dispela hap graun long em.

Ol papagraun bilong Ahi long Lae i mekim wanpela bikpela strait tu egensim Morobe provinsel edministresen long las yia olsem ol i wok long hait na salim graun bilong ol long ol ausait lain na ol bisnis lain insait long Lae siti.

Dispela i kamapim planti kros nau long pasin bilong kisim graun insait long ol na siti long Lae na long Mosbi na arapela sentas tu.

Ating wok tru bilong skelim na givim aut graun i save kam long opis bilong Lens Di-

patmen long Mosbi na ol Provinsel Lens Opis bilong em. Sapos ol i no mekim samting stret bihain lo na rot bilong givim aut graun em nau bai yumi lukim kain pairap na bikmaus i kamap. Las yia em yumi harim planti komplek na toktok bilong sekim gut ol kain graun olsem na stretim rekot na tokaut klia. Tasol nau i luk olsem ol dispela komplek na toktok i go hait gen. No gat atoriti i pusim na kamapim wanem samting ol bin kamapim insait long painimaut bilong ol.

Em pasin bilong graun bai go lus olgeta long han bilong ol kain kain lain na ol bai tok strong olsem ol gat len taitel na ol gat bisnis pinis antap long graun na ol bai lokim toktok.

Olsem na ol ripot na toktok mas go het yet long ol graun we i gat planti toktok na kwesten bin kamap long ol long las yia i kam.

No gut yumi save toktok long maus tasol na no gat eksen na graun bai lus nating tru na sampela lain bai

kamap bikpela bisnis lain olgeta long kisim nating tru graun bilong ol papagraun, gavman na ol wanwan lain husat i tru tru taitel holda bilong graun.

Olsem wanem sapos Lens Dipatmen ken putim aut ples klia ol graun em laik salim long bikpela pablik notis o toksave long niuspepa. Putim open toksave o tenda olsem dispela hap graun nau i stap long maket na yu husat laik baim orait aplai na traim long kisim. Ating bai kain ripot olsem i kamap klia na husat i gat toktok o komplek bai kamaut na toktok pastaim na yumi harim na skelim.

Sapos em i graun bilong gavman, orait gavman i gat rait long salim olsem na em mas putim long open maket o tenda na ol bisnis lain na kampani ken aplai long kisim.

Mekim samting ples klia bai olgeta pipel na pablik ken save olsem em samting bilong gavman na gavman gat rait long salim. Sapos em kastomari graun orait ol papagraun bai kam aut klia na toktok na stopim.



Published Weekly, Thursday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via. 52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)



Tupela nupela (knight) nait o ol man i gat bikipela namba long Australia, Angus Houston na Prins Philip. I kam long ABC

Australia i givim luksave long Angus Houston na Prince Philip

Pastaim bosman bilong Difens Fos bilong Australia, Angus Houston na man bilong Kwin Elizabeth em Prince Philip, Duke ov Edinburgh, em ol i tokaut olsem ol i kamap olsem tupela nupela nait o man i gat bikipela namba long Australia.

Praim Minista bilong Australia, Tony Abbott i tokaut olsem Kwin Elizabeth II i tok orait long ripot bilong em long Australia i givim luksave long tupela i kisim bikipela namba stret olsem i winim ol nara-pela.

Tasol disisen long givim bikipela luksave long Prins Philip i no go gut wantaim ol ripabliken olsem pastaim primia bilong Westen Australia, Geoff Gallop husat i dispela i wanpela; a sori disisen long Australia.

Sir Angus, nau i wanpela ritaia Sif Masal i tok em i kirap no gut na tok tenkyu long kisim dispela bikipela luksave.

"Mi Angus Houston yet na planti samting mi bin wokim em long lidasip level, tasol mi mas tok mi wok wantaim ol pipel na ol dispela i mekim mi kisim dispela luksave," Sir Angus i tok.

Em i tok taitel em i kisim i bikipela samting, tasol em i laikim bai pipel i kolim em long nem stret bilong em yet, Angus.

"I was very comfortable with who i am and what i am," he said.

Long wanpela stetmen, Mista Abbott i bin tok amamas na tenkyu i go long Sir Angus long planti ol wok we Sir Angus i mekim bihain em i lusim wok olsem bosman

bilong Difens.

Sampela ol wok em long mekim wok painim long Malesia Ealain MH370 i bin lus na i stap lus yet na tu, sutim MH17 taim em i plai antap long Ukraine long las yia.

Long laip bilong em, Sir Angus i putim Australia olsem namba wan olgeta taim.

Long wankain taim, Praim Minista Abbott i tok luksave we Australia i givim long Prins Philip em long kontribusen bilong em long 62 krismas Kwin Elizabeth i holim wok olsem kwin na het bilong Komnonwel.

"Longpela na gutpela sevis bilong Prins Philip long Australia em kantri i givim em luksave, Mista Abbott i tok.

Duke ov Edinburgh's Awot long Australia i sapotim wok developmen na i sapotim developmen bilong planti yangpela bilong Australia long moa long 50 yia.

Ol i bin makim Prins Philip olsem "Knight of the Order of Australia" long 1981.

Hetman bilong Konstitusenel Monaki long Australia, Profesar David Flint, i tok givim dispela luksave i go Prins i gutpela bikos Prins i gat longpela taim wok pren wantaim Australia.

"Em i bin wok long ol sip we i banisim ol soldia bilog Australia long Midel Is long Wol Woa 2, Profesa Flint i tok.

"Em bin stap long Pasifik Flit na em bin stap long Tokyo Be long taim ol soldia bilong Japan i bin givim ol yet taim ol i bin lus.

STRONGPELA singaut long PNG na Australia long pasim Manus asailam sika

Tupela lidameri bilong Papia New Guinea i singautim gavman bilong PNG na Australia long pasim nau dispela asailam sika ditensan senta bilong Australia long Manus Provins.

Helen Hakena bilong Leitana Nehan Developmen Ejensi long Buka na memba bilong Women Arise PNG, Esther Igo, i tok.

Toktok bilong tupla i kamap bihain ol bikpla trabeli bin kamap long senta long ol de i go pinis we planti asailam sika i no laik kaikai o dring wara.

Long Mande, PNG gavman i bin helpim long stopim trabel long Delta kompaun we sampela asailam sika i bin wok long kamapim trabel.

Aste tupela asailam sika long narapela kompaun i bin laik kilim ol yet, tasol ol i bin stopim ol.

Sampela i wok long wari olsem no gut ol dispela nupela trabel long senta bai go bikipela olsem dispela i bin kamap long mun Febueri long 2014 we wanpela man bilong Iran, Reza Berati, i bin dai long en.

Tasol planti pipel long PNG i wok long askim, bilong wanem na dispea ol kain hevi long senta bai save kamapim nem no gut long PNG taim ol dispela nius i go long olgeta hap long wol.

Misis Hakena i tok emi sori long ol dispela asailam sika, tasol em i wari tu long nem no gut em dispela tok orait namel long PNG na Australia i wok long givim long PNG.

Narapela meri lida na memba bilong Women Arise PNG, Esther Igo i tok em i no wanbel tu wantaim dispela tok orait bilong PNG na Australia long putim asailam sika senta long PNG.

PNG i makim laip bilong vailans birua, Kepari

Laip bilong dispela yangpela meri bilong PNG we ol i bin kilim dai long tokwin long soseri ol i makim nau long ston long Maun

Hagen.

Long dispela wik, wanpela lain ol yangpela pipel wantaim Anton Lutz, Luteran misineri bilong Wapenamanda long Enga provins ibin putim wanpela bikipela ston bilong tingim laip bilong yangpela meri em ol i kukim em long paia bihain ol i tok emi wanpla meri husat i save yusim posin long kilim ol narapela.

Wanpela lain i bin kilim nating Kepari Leniata, krismas bilong en 20 long taun bilong Maun Hagen long Febueri 6, 2013.

Pasin bilong kilim nating ol pipel o sorcery killing i stap olsem wanpela bikipela wari long PNG.

Anton Lutz, Luteran misineri bilong Wapenamanda long Enga provins i bin stap long dispela bung na em i bin helpim long sevim laip bilong 4-pela mama husat ol i bin sutim tok long ol olsem ol i sanguma meri long wiken i go pinis.

Transparency Vanuatu i laikim ICAC long daunim

Transparency International Vanuatu (TIV) i lukim wanpela indipenden ejensi we i gat pawa long putim ol korap lida long kalabus.

Transparency Vanuatu i tok ICAC bai help long stopim korapsen long kantri. Siaman bilong T.I.V, Dokta Willie Tokon i tok wanpela bodi olsem ICAC bai help long daunim ol korap pasin insait long gavman sistem long Vanuatu.

Em i tok kain independen bodi olsem we i gat paua long pros-ekyutim ol korap pipel long gavman, i pruvim pinis em i save wok gut long sampela kantri.

Dokta Tokon i tok Transparency International Vanuatu i bin tokaut pinis long dispela tingting long wanpela woksop we ol politisen i bin stap insait long en long pinis bilong 2014.

Lukaut long ol konman i stilim mani: Paul Barker

OL pipel bilong Papua New Guinea i no ken harim ol giaman toktok bilong ol konman ol i save tok bai ol i helpim ol long kisim bikipela win mani.

Paul Barker, Eksekyutiv Dairekta bilong PNG Insitute of National Affairs i i mekim dispela toktok bihain long sampela pipel i wok long raun na grisim ol pipel long givim ol mani.

Em i tok ol i laik kisim mani nating olsem long ol i ken investim na kamapim bikipela win mani.

Mista Barker tok ol despla konman iwok long raon nau long siti blong Port Moresby na kisim nating moni blong ol pipal husat i wok hat tru long painim mani.

Em i tok tu olsem dispela em i no namba wan taim we ol konman olsem i save giamanim ol pipel.

PNG Polis na misineri grup i sevim laip bilong 4-pela meri

WANPELA lain misineri wantaim tu ol polis na ol komyuuniti lida long hailans rijonn bilong Papua New Guinea i bin sevim laip bilong 4-pela meri em ol i bin laik kilim ol bihain long ol i sutim tok long ol olsem ol i Sanguma meri.

Ol i bin sutim tok long dispela 4-pela mama olsem ol i bin yusim posin bihain long sampla pipel i bin dai long sik misels long wanpela ples long bikbus bilong Enga provins long 2014.

Ol pipel long ples we ol i yusim tok ples Hewa i bin redi long kilim dispela 4-pela mama.

Tasol dispela lain misineri, polis na ol lida i bin go long wiken i go pinis na helpim long sevim laip bilong ol dispela meri.

Deputi Polis Komanda bilong Enga provins, Epenes Nili i bin go wantaim dispela grup i tok em i amamas tru long wokabaut bilong ol na helpim em ol i bin mekim long stopim dai bilong ol 4-pela meri.

PNG i gat bikipela wari we ol pipel i save kilim nating ol narapla em ol i sutim tok long ol olsem ol i Sanguma lain.



PacificBEAT

4, 5, 6am & 4pm, 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

TORO**BIABIA**

KANAGE



KROSWOD

Antap	37 Mak bilong kompas	2 Bilong sevim mausgras
1 Laikim tumas	38 Narapela lain	3 Putim i go antap
5 Pasin bilong ol Indonesia long putim kala long laplap	39 Pilim nogut	4 Opisal buk bilong raun ovasis
10 Pis	40 Lusim ples	5 Pren
11 Wara	42 Han bilong Australia gavman	6 Bilong lukluk
12 Bihain tru	44 Ailan long Maikronesia	7 Televisen
14 Susa	46 Vinega	8 Yau
17 Bilum bilong ____	49 Wankain skoa long spot	9 Biktaun bilong Morobe
18 Musik instramen	50 Toksave pepa bilong baim dinau	13 Salim mani kwik long pos opis
20 Kukim long plaua	51 Teknikel nokaut long boksen	15 Namba
21 Lait i ____	52 Solwara i kirap	16 Mande em wanpela
23 Mani bilong wok	53 Provins bilong ol Miok	19 Hait na lusim ples
24 Tudak	54 Ailan long Bogenvil	20 Ples long Isten Hailans
27 Pawa masin	55 Ples ol sumatin i kisim save	22 Bilong rait
30 Kaikai go insait long en		23 Sampela ka gat dispela kain gia
31 Kain gras		25 Siksti minit
32 Long taim bilong Jisas		26 I no hatwok
33 Redio		27 Wara bilong prut
35 Namba	Daunbilo	
36 Melanesian Alaiens Pati	1 Pilai	

- 28 Namba
- 29 Namba wan man
- 31 Redio stesin
- 34 Ol rul
- 37 Salim toktok long mobail
- 40 Kontrolim spit bilong ka
- 41 Senia plisman
- 43 Ol soldia
- 45 Tuna
- 47 Hap diwai
- 48 Ailan long Is Sepik
- 50 Boil

SUDOKU

9	2	6	8	4	7	3	5	1
1	5	7	6	2	3	9	8	4
4	3	8	5	9	1	2	6	7
5	6	3	9	1	8	4	7	2
7	1	2	4	5	6	8	9	3
8	4	9	3	7	2	6	1	5
6	7	5	2	3	9	1	4	8
3	9	1	7	8	4	5	2	6
2	8	4	1	6	5	7	3	9

Ansa bilong las wik Sudoku # 75

[illegible]

Ansa bilong Sudoku # 76 neks isu

M	A	N	G	I		A	N	I	T	U	A		G
		I		T	O	I		N		I	L	O	
S	K	U	L			L	N	G		Y	E	S	
K		S	O	P					M	U	N		S
E	M				S	A	N			N		K	O
T	E	K	S			M	O	B	A	I	L		D
		A	P			I		E	I	T		W	A
A	I	D	I	A			B			S	I	S	
I	S		K			I	S	I		P	E	N	
B			K	A	S		N			S	A	N	A
I		O				S	O	S	I	S			E
K	U	M	U			A		U	R	I	T	A	
A			T	A	N	G			N	O			I
		S	U	S	A			M	I		S	A	I

Ansa bilong las wik kroswod, isu # 2103

A 10x10 crossword puzzle grid. The grid is black and white, with black squares indicating non-letter positions. Numbers 1-55 are placed in the top-left corner of each starting square. The numbers are distributed as follows:

- Row 1: 1, 2, 3, 4, 5, 6, 7, 8, 9
- Row 2: 10, 11, 12, 13
- Row 3: 14, 15, 16, 17
- Row 4: 18, 19, 20, 21, 22, 23
- Row 5: 24, 25, 26, 27, 28, 29
- Row 6: 30, 31, 32
- Row 7: 33, 34, 35, 36, 37, 38, 39
- Row 8: 40, 41, 42, 43, 44, 45, 46, 47, 48
- Row 9: 49, 50, 51
- Row 10: 52, 53, 54, 55

EMTV Television Guide

8:00 PM G **60 MINUTES**
9:00PM MA **MOVIE: THE REPLACEMENTS**
10:30 PM G **HILLSONG Rpt.**
11:00 PM G **EMTV NEWS REPLAY**
..... followed by the Australia Network

3:30PM G **KIDS KONA**
HI 5 S12 EP#34/39
NEW MACDONALD'S EP#47/52
SLEEPOVER CLUB S1 EP#7/26
SHAK S5 EP#30/33

5:30 PM G **S/SEASON 2 – EP#7/7**

5:55 PM G **CRIME STOPPERS**

6:00 PM G **EMTV NATIONAL NEWS**

7:00 PM G **BUSH PILOTS #3**

8:00 PM G **TOK PIKSA – repeat**

8:30 PM G **TBA**

9:00 PM G **COCA-COLA SPORTS SCENE EP**

11:00 PM G **EMTV NEWS REPLAY**

..... followed by the Australia Network

TUNDE JANUERI 27, 2015

JOYCE MEYER 1099-02
NATIONAL EMTV NEWS REPLAY
TODAY
CLASSROOM BROADCASTS
KIDS KONA
HI 5 512 EP#35/39
NEW MACDONALD'S EP#48/52
SLEEPOVER CLUB S1 EP#8/26
SHAK S5 EP#31/33
DANI'S HOUSE — SEASON 2 —
EMTV NATIONAL NEWS
HAUS & HOME Ep#35
BUSINESS PNG YR.3 —
Ep#36/2014
MERLIN SEASON 4 — EP#8/13 -
"Lamia"

9:30 PM G **EMTV NEWS REPLAY**
.....followed by the Australia Network

TRINDE JANUERI 28. 2015

5:00 AM G **JOYCE MEYER — 1099 - 3**
 5:30 AM G **EMTV NEWS REPLAY**
 6:30 AM G **TODAY**
 09:00 am G **CLASSROOM BROADCASTS**
 3:30PM G **KIDS KONA**
 HI 5 S12 EP#36/39
 NEW MACDONALD'S EP#49/52
 SLEEPOVER CLUB EP#9/26
 SHAK 55 EP#32/33
 5:30 PM G **ULTIMATE GUINNESS WORLD**
 6:00 PM G **EMTV NATIONAL NEWS**
 7:00 PM G **ROAD TO PORT MORESBY Ep**

7:30 PM G **Great Animal Escapes #3**
8:00 PM G **OUR PORT MORESBY EP#20**
8:30 PM G **VOCAL FUSION SEASON 1 –**
9:30 PM G **TOK PIKSA EP# 43 REPEAT**
10:00 PM G **NEWS REPLAY**
..... followed by the Australia Network

4:00 AM G	<u>AUSTRALIA NETWORK</u>
5:00 AM G	<u>JOYCE MEYER — 1099-1</u>
5:30 AM G	<u>EMTV NEWS REPLAY</u>
6:00 AM G	<u>TODAY</u>
09:00 am G	CLASSROOM BROADCASTS

Ol Program na Kilok i ken senis oltaim...

Ol poto nabaut



‘MAN MALOLO NA PIK TU WOKIM WANKAIN:’ Long taim bilong se-
lebresen, pasin bilong taitim bun tu em i stap. Na long olgeta samting
taim bilong malolo tu em i stap olsem dispela piksa i soim ol singsing
lain long Goroka, Isten Hailans husat i bin kamap long wanpela bikpela
bung long welkamim praim minista Peter O’Neill. Dispela ol singsing
grup ibin bilas gut tru long tumbuna bilas na bringim tu ol kaikai na pik
tu. Na taim ol i stop long singsing na sindaun long kisim malolo, pik tu i
sindaun bihainim ol long kisim malolo. **Poto: Sape Metta.**



‘FLORIKALSA IGAT KIK’ Wok bilong groim, stailim, soim na salim ol
kainkain kala na stail plaua (florikalsa) i wok long kamap bikpela tru
insait long Papua Niugini. Na long Aiyura Veli long Obura/Woninara
distrik Isten Hailans, dispela lokol mama i bin kamap na soim ol
kainkain kala plaua na okid bilong grup bilong em long namba wan
Obura/Wonera kalsa so taim Wantok I bungim em. **Poto: Sape Metta**



‘PAPA KELA O?’ Maski em yangpela skul sumatin bilong Haga praimeri
skul long Okapa distrik, yanpela Afo i kamapim bilas bilong papa kela na
kamap long selebretim lonsing bilong infrastraksa developmen bilong skul
bilong em. **Poto: Sape Metta**

Raun wantaim Kanage olgeta wik

Mi save sem ya

Kanage em lida na sif bilong wanpla
vilis insait long east Elimbari LLG,
Suave District, Simbu Provins.
Wanpela taim em kisim bikpela sik
malaria na laik kisim marasin na igo
kamap long suave ausik. Ino long
taim na wanpela yanpla trainin nes
kam na askim kanage. papa! Monin!!
kwiktaim Kanage kirap bekim,
pikinini mi nogat moni. Nes askim
gen papa amas age blong yu? (Kris-
mas) Kanage ino harim gut em
kirap tokim nes meri ya. Mi traipela
lida man ya mi kisim malaria na
kam hia long kisim marasin, mi no
osem yupla ol yanpla save karim
displa nogut sik raun, yupla save
sanap osem ol kopi bak long nait na
ol save samapim maus blong yupla
olsem bak kopi. Samtin tru kanage
ino kisim tok pisin gut, em tin ol
askim em long moni na tu olsem em
i gat sik nogut (AIDS). Bihain
tasol kanage kirap tokim nes meri
ya, mi papa tumas ya! Mi save sem
ya!!

**Konokinbengwa
East Elimbari
Chuave S/P**

Tripela pans

Kanage em bilong Kaiti Yango long
Laiagam, Enga provins. Kanage i
gat wanpela poroman, Wakop. Tu-
pela i poro longpela taim tru. Ol i
stap go na tupela
wantaim maritim tupela meri long
ples. I no longtaim na meri bilong
Wakop karim wanpela pikinini man
na bihain wanpela pikinini meri.
Kanage lukim dispela na em tingt-
ing planti, 'Long wanem na meri bi-
long brata bilong mi karim tupela
pikinini hariap tru na meri bilong
mi nogat?' Em nau Kanage



go long lukim Wakop na tokim em,
"Mi bai rausim meri bilong mi. Meri
bilong yu karim tupela pikinini na
meri bilong mi i no inap karim
pikinini bilong mi." Wakop tokim
em, "Yu save wanem? Mi bin givim
dapol pans long meri bilong mi na
em karim tupela pikinini bilong mi
hariap tru. Sapos mi bin givim
tripela pans, em bai karim tripela
pikinini." Kanage tokim poro bilong
em, "Mi laik givim tripela pans long
meri bilong mi long karim tripela
pikinini. Bai mi givim tripela pans
olsem wanem?" Poro bilong em isi
tasol tokim em, "Yu go long meri
bilong yu na givim long ol rot we mi
bai tokim yu." Wakop
tokim Kanage pinis na Kanage sik-
sti go long haus. Kanage go long
meri bilong em na laik givim tripela
pans na meri bilong em bikmaus,
"Husat tokim yu olsem?" Meri ya
kisim wanpela hap palang na paitim
Kanage.

**Boni Pakamu
Kaiti Yango**

Holim strong

Kanage em bilong Watom ailan long
Is Nu Briten provins. Wanpela
taim, ol bikman long ples askim
Kanage long go wantaim ol long
Rabaul taun. Ol kisim moto kam
long ples Vunavulile na go sanap
long rot wetim kar stap. Wanpela
waitman draiv kam na ol stopim
em. Waitman askim ol, "Where are

guys going?" Narapela yangpela
mangi tokim em ol laik go long
Rabaul taun. Kwan, waitman tokim
ol long kalap. Yangpela mangi tokim
ol biklain long kalap na em yet bai
sindaun long fran long wanem em
save long Tok Inglis. Tasol nogat.
Kanage tokim em long sindaun wan-
taim ol lapun long baksait. Kanage
kalap long fran na ol ron go. Ol ron
go abrusim Vuvu na ren pundaun.
Waitman ya tokim Kanage, "Please,
wind up your window." Kanage
kirap singaut go long ol lain long
baksait, "Ol lain, waitman tok
olsem holim strong!" Ol ron go long
kona bilong Nonga Haus Sik na
waitman ya askim Kanage gen,
"Please, wind up your window."
Nogat. Kanage kirap singaut gen
long ol lain long baksait, "Aiya, yu-
pela holim strong." Ol ron go na
waitman ya belhat long wanem ren
wasim insait bilong kar. Em singaut
long Kanage, "Wind up your window
now!" Tasol nogat. Longlong Kan-
age singaut long ol lapun long bak-
sait, "Waitman tok kalap go ausait
nau tasol." Kanage tasol mekim na
olgeta lapun kalap na kisim
bagarap long ol as bilong ol banana.

**Mambu
Wantok Bilong Yu Yet**

**Ol skwat!
Salim ol gutpela Kanage
tok pilai i kam long:
Kanage Tok Pilai
P.O. Box 1982,
Boroko, NCD,
Port Moresby.
Email:
jwilson@wantok.com.pg**

Mi gat STD sik, inap mi kisim sut olgeta taim mi silip wantaim nupela meri bilong mi?

DiaLaipain,

**MAMA na papa bilong mi i tokim
mi long marit. Dispela meri ol i
makim long mi maritim, em I wan
ples bilong mi na mi ting em bai
kamap gutpela meri bilong mi.
Tasol mi no klia olsem bai mi
kamap gutpela man bilong em.
Sampela krismas i go pinis, mi bin
slip wantaim wanpela pamuk meri
na bihain mi bin kisim sik, sek-
sueli transmitted disis (STD). Mi
bin go long klinik pinis, tasol
sapos mi marit nau mi tingting
olsem no gut bai mi no gat
pikinini. Inap mi kisim sut long
klinik olgeta taim bipo long mi slip
wantaim meri bilong mi?**

Dia Pren,

Mipela i amamas long wari bilong
yu long kamap gutpela man long
meri bilong yu. Tasol ol STSs em i
bikpela sik long ol siti. Taim yu go
hariap long klinik na kisim marasin
ating sik bilong yu i mas pinis olgeta.
Long sampela hap, STD i ken wokim
wanpela man bai no inap wokim bebi
na dispela bai wokim na meri bilong
em bai no inap long karim bebi bi-



long em. Tasol dispela bai no inap
kamap long yu bikos yu kisim
marasin hariap.

Em i no bikpela samting long kisim
sut olgeta taim bipo long yu slip wan-
taim meri bilong yu. Sapos STD bi-
long yu i pinis olgeta, bai yu nogat
dispela sik insait long bodi bilong yu
long givim long meri bilong yu.

Sapos yu laik kamap gutpela man
long meri bilong yu, yu mas no ken
laik long slip wantaim narapela meri.
Long wanem bai nogat hevi long
kisim STD gen na givim long meri bi-
long yu o long pikinini em bai i karim.
Kain ol sik olsem i ken pas i go long
pikinini sapos meri i gat dispela sik
taim em i gat bel.

Yu ken go long klinik gen na
wokim tes long sekim olsem yu ken
wokim bebi na save gut olsem sik bi-
long yu i pinis olgeta. Taim yu wokim
dispela, bai yu kisim gutpela tingting
na bai yu save olsem meri bilong yu
i no inap kisim sik.

Sampela marit i no save olsem em
i orait long ol meri long slip wantaim
ol man bilong ol taim ol i gat bel na
taim ol i givim susu long bebi. Em i
no inap bagarapim meri o bebi, long
dispela yu no ken weit longpela taim
na tingting bai kirap long go long
pamuk meri gen.

Tasol taim bebi i kamap pinis, em i
gutpela long wet olsem 4-pela wik
pastaim long yu slip wantaim meri bi-
long yu gen. Dispela em bai meri bi-
long yu i ken kisim strong bilong em
bek, na hap bilong karim bebi i ken
drai gut. Mipela i gat bikpela tingting
tu olsem, yu tupela mas i go long
famili plening long kisim sampela
skul toktok long wanem meri bilong
yu i mas no ken gat bel klostu taim
gen.

Pren bilong yu,

Laipain

**Sapos yu gat wari, rait i kam
long Lifeline, P O Box 6047,
Boroko, NCD. Telipon: 3260011.
Raitim trupela nem na etres bilong
yu na bai mipela i ken salim bekim
long pas bilong yu. Bai mipela i no
inap putim trupela nem bilong yu
long stori.
Laipain**

Go Bek
SKUL



Saplimen bilong
Wantok Niuspepa

No ken bagarapim ol skul projek – Tapo i tok

MINISTA
Edukesen Nick
Kuman i tok olgeta
pepa wok bilong stretim ol

patmen i stap yet long wetim kabinet long givim em tok-save. Dispela em bikos ol peimen pepa bilong ol kontrakta i stap yet wantaim Fainens Dipatmen.

Mista Kuman i tok taim olgeta pepa i kam bek long ol bai ol stretim peimen bilong ol kontrakta. Olsem na long nau yet em i no inap mekim planti toktok yet long dispela inap em kisim bek ol dispela list bilong kontrakta i kam long Fainens Dipatmen na nesenel palamen.

Mista Kuman i tokim ol niuslain long Mande dispela wik olsem list em bin kisim na givim go pinis long palamen na palamen givim go long Fainens long stretim gut rekot na peimen olsem nae m no inap mekim wanpela toktok moa long nau inap em kisim toksave bilong dispela.

Seketeri bilong Edukesen Dokta Michael Tapo i askim ol kontrakta

long no ken bagarapim ol samting ol bin wokim long ol skul bikos dispela bai kamap olsem hevi bilong lo na oda. Sapos ol mekim olsem tu bai dispela i bagarapim stat bilong skul long ol skul we ol kontrak wok i bin kamap long ol.

Dokta Tapo i mekim dispela toktok bikos sampela kontrakta husat bin mekim ol wok mente-nens o arapela skul projek i wok long paitim dua bilong Edukesen Dipatmen long peimen bilong ol long las wik yet i kam na ol i taitim haus sel na kemp ausait long Edukesen opis i stap.

Dokta Tapo i tok ol i no tok long no ken peim ol, tasol wetim ripot na rekot bai i kam bek long Fainens Dipatmen na bihain bai palamen i givim kam aut long Min-ista i ken tokaut long dispela.

Dokta Tapo i tok wanem kain eksen ol tok long mekim long bagarapim ol samting ol bin mekim long ol skul eria em nara-pela hevi bilong lo na oda..



Ol skul gels i redi long rejistresen long las yia.

kontrakta husat bin mekim
ol wok bilong Edukesen Di-

10,060 skul no gat hevi long statim skul yia

Gavman i makim K605 milien bilong edukesen long dispela yia olsem na Edukesen dipatmen i wetim K300 milien long kamap long neks wik long ol bai statim olgeta wok bilong 2015 skul yia. Dispela em toktok i kam long Seketeri bilong Edukesen Dokta Michael Tapo long dispela wik.

Taim dispela mani i kam long akaun bilong skul long dispela wik bai

ol i redi pinis long kari-maut 2015 skul yia.

Mak olsem 10,060 skul insait long Papua Niugini i redi long statim skul yia bilong ol na Dokta Tapo i tok olgeta bai kisim skul mani bilong ol long statim skul yia bilong ol.

Em tok pasbuk akaun bilong olgeta skul i op pinis bikos Dipatmen bin salim pinis K100 go long akaun bilong olgeta skul long las yia long

holim akaun i op inap long dispela yia taim skul fi mani i kamap na go insait.

Olsem na ol skul i no ken tingting planti olsem pasbuk bilong ol i pas bikos no gat mani. Pasbuk bilong ol skul husat bin ranim long las yia i op yet. Olsem na ol ken kisim mani bilong skul long tupela wik bihain taim Fainens Dipatmen salim mani bilong Edukesen i kam long ol.



Taim bilong go bek skul nau olsem na redim ol yunifom na ol skul samting nau.

Taim long skul, taim bilong baim skul kago...



Liklik gel i so-op wantaim ol kala maka bilong em.



Taim bilong ol papamama kisim ol pikinini i go long stesineri stua olsem Theodist long baim ol samting bilong skul.



Mama i sekim yunifom bilong pikinini.

Go Bek SKUL



Sapitmen bilong Wantok Niuspepa



Yakam Kelo i raitim

OLGETA skul pikinini i no inap peim skul projek fi long dispela yia aninit long skul polisi bilong Peter O'Neill gavman. Edukesen Minista Nick Kuman i tokaut long dispela nius long dispela yia Mande long Mosbi.

Minista Kuman i tokaut olsem olgeta gavman skul

na ol praivet skul husat i kam aninit long rekot bilong gavman i no ken tru sasim ol skul pikinini wanpela projek fi. Ol skul i no ken rausim ol sumatin go long haus long no gat projek fi.

Minista Kuman i mekim dispela toksave olsem sapos wanpela skul i sasim ol skul mangi projek fi bai Edukesen Dipatmen i holim bek Tusen Fri Fi (TFF) mani bilong dispela skul. Olsem na olgeta skul mas kisim

klia dispela toksave i kam long Nesenel Gavman long polisi bilong gavman long edukesen insait long kantri.

Minista Kuman i tok dispela yia em gavman i givim inap mani nau bilong ranim olgeta wok na program bilong skul long dispela yia na dispela i karamapim olgeta projek fi na skul fi na ol arapela mani bilong ranim skul long dispela yia.


"Bikpela samting tu em gavman i laik lukim moa pikinini meri mas go long

skul olsem na ol plen na program bilong skul em gavman i sapotim bilong givim moa spes long ol meri long kisim save long skul.

Olgeta pikinini krismas bilong ol long 5 na go long 6 mas go long skul long dispela yia long wanem hap ol stap long en insait long kantri", Mista Kuman i tok.

Insait long dispela taim bilong Peter O'Neill gavman bai ol i wokim moa klasrum na ol haus slip bilong ol tisa insait long olgeta skul long kantri.

Edukesen dipatmen bai wok klostu wantaim ol memba long lukim ol plen bilong ol long developim edukesen insait long wan wan distrik i mas kamap stret. Ol mani i kam long Distrik Sapot Impruvmen Program (DSIP) bilong ol memba wantaim Edukesen fan insait long ol provins na distrik baset bai wok poroman wantaim long lukim olsem ol klasrum na haus na ol arapela skul projek i kamap, Mista Kuman i tok.



Ol skul pikinini bilong Salvation Army bung long asembli long harim ol toktok bilong nupela skul yia long 2014.

SBE stat long Elementri go long Gret 2.

Yakam Kelo i raitim

OLGETA skul pikinini insait long Papua Niugini i redi nau long go bek long statim 2015 skul yia bilong ol long neks wik. Ol skul pikinini long elementri skul go antap long gret 12 na tu long ol kolis na teknikel skul na yunivesti level tu.

Minista bilong Edukesen Nick Kuman i tokaut long dispela wik olsem dispela yia bai kantri i statim olpela skul sistem ol kolim Stended Beis Edukesen (SBE) we ol bai statim tasol long Elementri level go long gret 2. Wan wan yia bai SBE i kisim ol gret 3 go antap inap long gret 12.

Olsem na long las yia i kam, ol bin givim trening pinis long ol trena bilong karimaut SBE insait long olgeta elementri skul level go long gret 2 long dispela yia.

Dispela SBE em i no nupela sistem bikos em olpela sistem yumi ol Papua Niugini bin yusim bipo long independens long 1975 i kam. Olsem na no gat wanpela samting i nupela long dispela. Tasol bikos i gat planti wok insait long dispela sistem, Edukesen dipatmen bai statim tasol long Elementri skul go long gret 2 long dispela yia.

Long 2016 bai SBE go insait long gret 3 go long gret 6, long 2017 bai ol go insait long gret 7 go long gret 9 na long 2018 bai SBE sistem i karamapim gret 10 go long gret 12.

Dispela em plen bilong nesenel gavman long kamapim long dispela taim i go na gavman i bilip bai olgeta wok na program bilong kamapim SBE sistem ken wok gut na karimapim ogeta level bilong edukesen long 2018, Minista Kuman i tok.

Seketeri bilong Edukesen Michael Tapo i mekim klia olsem SBE sistem i no nupela samting na ol tisa i no inap gat hevi long trening bikos olgeta samting ol save trening long en i stap pinis long ol tisa koles long ol bihainim tasol.

Bikpela samting insait long SBE em long mekim ol tisa i skulim ol pikinini moa long raitim gut Inglis na tok Inglis gut o ol kolim literesi.

Minista Kuman i tok literesi em bikpela hevi long PNG olsem na gavman i sanap strong long dispela level bilong literesi mas kamap gut long ol skul pikinini mas tok Inglis gut na raitim gut.

Plantu wok bilong tisa i stap long dispela sait bilong tok Inglis na ol tisa tu bai kisim gut trening long tok Inglis gut na ol ken raitim gut taim ol lainim ol sumatin long klasrum. SBE save karamapim level bilong save ol sumatin i kisim na ol tisa ken raitim na makim gut mak na level o developmen ol sumatin i kamap long en.



Ol studen sekim nupela klasrum bilong ol.

long ol na planti taim ol i no save kisim balus tiket na stap bek long provins ol tis long en.

Minista Kuman i gat wanbel olsem olgeta samting

bai stret we dispela yia bai olgeta skul i stat gut na ol tisa i ken go bek gut long skul bilong ol na statim skul yia bilong ol long wan wan provins ol tis long en.

pasbuk akaun bilong ol, dispela tu bai i gat bikpela hevi gen long sait bilong takis. Takis bai katim namba bilong mani kam daun gen long balus tiket na liv entaitelmen bilong ol na ol.

Ol wok bilong stretim mani go stret long akaun bilong ol tisa i hatpela sistem liklik na i gat hevi stap long en we ol tisa bai i no inap amamas tu long bihainim taim. Olsem na ol bihainim yet dispela sistem we Edukesen opis salim rekot bilong mani go daun stret long Provinsel Gavman long baset bilong ol we Provinsel Edukesen Bod i wok klostu wantaim ol long skelim mani bilong ol tisa.

Hevi bilong ol tisa long liv fea na balus fea bilong ol i save kamap olgeta yia na no gat wanpela stretpela rot i kamap yet long pinisim dispela hevi.

Olgeta yia ol tisa save komplek yet long mani bi-

save skelim mani long en. Tasol i gat planti arapela hevi tu long dispela bikos rekot bilong ol tisa i no save stret tu. Sampela taim ol salim nem bilong ol meri pikinini kam long het kota tasol bihain namba bilong ol i senis we i no stret oslem na ol mas stretim gut bai rait namba stret i kamap long olgeta yia long kisim balus tiket bilong famili na liv mani bilong ol, Minista i tok.

Em tok dispela em wanpela bikpela wok we ol tisa mas mekim samting stret wantaim rait rekot bilong ol na tu Provinsel Eduksen Bod tu mas wok klostu tru wantaim Provinsel Gavman long ol no ken saitim mani bilong ol tisa go nabaut long mak we Nesenel Edukesen opis i salim go long ol.

Ol i tok sapos Dipatmen i traim long givim mani bilong ol tisa go stret long

SAMPELA taim mani bilong ol tisa long Provinsel Gavman i no save go stret long stretim holide mani na balus tiket bilong ol long olgeta yia.

Dispela em toktok bilong Edukesen Minista Nick Kuman na Edukesen Seketeri Michael Tapo long las wik.

Taim mani bilong ol tisa save lusim Nesenel Edukesen opis na go daun long provins, ol dispela mani save go aut long arapela samting na sotim mani bilong ol tisa na dispela olsem na planti taim ol tisa long ol provins i no save kisim stret balus fea na liv mani bilong ol, Minista Kuman i tok.

Minista Kuman i tok ol i save salim stret namba bilong mani go long ol provins bihainim namba bilong ol tisa long wan wan provins. Hevi nau i save kamap long provins we ol

Minista laikim gutpela skul yia

Go Bek SKUL



Saplinen bilong
Wantok Niuspepa



Poto antap, ol
pikinini i sin-
daun harim het-
masta i toktok
long nupela de
long skul las yia.



Gavana laikim sampela pawa bilong lukautim ol NCD skul

GAVANA bilong NCD, Powes Parkop i laikim sapos sampela pawa bilong edukesen ken kam long han bilong ol long ranim. Pawa bilong ranim ol skul insait long Papua Niugini i stap wantaim Nesenel Edukesen Dipatmen tasol.

Gavana Parkop i tok sampela hap pawa bilong lukautim na ranim sampela operesen bilong helpim ol skul i ron gut mas go long han bilong NCDC bai ol ken lukautim ol hevi bilong ol olsem skul mentenens, haus slip bilong ol tisa, ol skul bilding na arapela hevi ol skul save

bungim.

Gavana i mekim dispela tok tok long tok klia olsem ol Gavana i no gat planti pawa bilong ranim na lukautim sampela bikpela sevis long kantri we istap insait long ol taun na provins bilong ol. Bikos ol dispela sevis i stap long kontrol na menesmen bilong nesenel bodi.

Em i givim tok piksa long ol arapela sevis olsem rot trenspot we planti taim em yumi lukim Motor Traffic o Traffic Registry i go pas long mekim ol rot blok na sekim ol kar na mekim mani long sasim

ol kar i no rejista na ol arapela bagarap.

Taim ol Traffic Registry i karimaut ol operesen long Mosbi stap Sentrel Traffic Registry gen karimaut narapela rot blok na trefik operesen long sait bilong ol na sampela taim ol polis tu save kamapim ol rot operesen tu. Tasol long wok bilong stretim rot bai ol kar i ron gut long en em wok bilong NCDC na pawa bilong mekim mani na karimaut ol rot mentenens em narapela dipatmen na seksen i lukautim, Gavana Parkop i tok.

Olsem na mi ting edukesen

na haus sik em bikpela samting long laip bilong ol pipel bilong yumi long siti na sampela pawa bilong ranim na menesim ol dispela sevis mas kam long han bilong NCDC long ranim, Gavana i tok.

Em tok bai em traim long sindaun na toktok wantaim Praim Minista Peter O'Neill long dispela na lukim sapos ol ken kamapim sampela kain lo we NCDC ken kam insait long sampela bilong ol dispela bikpela gavman sevis olsem long lukautim na mentenim ron na operesen bilong ol.

Plant pininini i no kisim gutpela edukesen

PLANTI liklik kantri long wol i no save givim gutpela pablik risos na sapot long edukesen bilong ol pikinini taim ol bikpela ris kantri i wok long givim bikpela risos na sapot long edukesen bilong ol pikinini.

Dispela ripot bilong UNICEF i tok mak olsem 46 pesen (%) bilong ol pablik edukesen risos long ol liklik pua kantri save go helpim ol liklik lain husat gat gutpela edukesen pinis na dispela i save givim bikpela sans moa long ol i kisim gutpela edukesen moa long ol turangu na sore famili long kisim gutpela edukesen bilong ol pikinini bilong ol.

UNICEF ripot i tok i gat mak olsem I bilien praimer na lowa sekenderi skul pikinini insait long wol tude. Olsem na i gat i bilien rison long putim moa mani na risos go insait long edukesen. Deputi Dairekta bilong UNICEF Yoka Brandt i tok planti pikinini long ol liklik kantri i no save kisim gutpela edukesen bikos kantri i gat ol hevi olsem nogat inap mani, pait na birua i stap na lukdaun long ol meri we nogat skul bilong ol, ol bagarap lain o disebel na arapela hevi moa.

Olsem na long senisim dispela kain pasin na bagarap, yumi mas stretim gut ol pasin na eksen bilong yumi na putim moa risos olsem mani na ol samting go gut long olgeta skul level stret,.

Dispela ripot i tokaut tu long ol bikpela hevi inap kamap long bihain taim. Mak we edukesen inap groa o go antap i wok long pundaun we 58 milien praimer skul pikinini i no stap moa long ol klasrum.

Dispela i soim olsem milienum developmen gol 2 (Kamapim Yunivesel Praimeri Edukesen) bai i no inap kamap long mak UNICEF i makim long en. Wankain tu planti skul pikinini husat i stap long skul i no lainim wankain tu. Wok painimaut i soim olsem 130 milien pikinini husat i save kamap long gret 4 i no save gut long ritim ol buk na ansarim gut mets lessen.

Ripot i tok dispela hevi bai go bikpela moa taim namba bilong ol pikinini go planti moa long bihain taim ol go long skul. Long kamapim dispela yunivesel besik edukesen, mak olsem 619 milien pikinini krismas bilong ol long 3 go long 15 insait long wol mas go long skul long yia 2030 em olsem 57% moa long mak bilong tude.

Tasol ol pablik risos bilong sapotim edukesen i wok long go daun we 46 liklik kantri i hat yet long putim mani long sapotim gut edukesen long kantri bilong ol.

UNICEF i tok strong long olgeta gavman wantaim ol sapot long apim mani mak bilong edukesen go antap na lukim olsem mani i go stret long mekim wok bilong edukesen. Wankain tu ol praivet bisnis mas sapotim wantaim moa risos we edukesen ken yusim long lainim na skulim ol pikinini.



Gavana bilong NCD Powes Parkop i laik helpim ol skul insait long NCD tasol pawa bilong mekim sampela disisen na kontrol i no stap long em. Olgeta pawa i stap wantaim Nesenel Edukesen Dipatmen. Poto NCDC Media Unit



MCC na Ramu NiCo soim luksave long ol Hatwok Lain

MASKI olsem Ramu NiCo i wok long bungim planti salens tru long sait long invesmen bilong en long laterait maining na prosesing long PNG, Kampani i sanap strong yet na go het yet long wok long abrusim na kontrolim ol wok bilong en long lukim kaikai bilong Projek i kamap orait.

Ramu NiCo i sanap wantaim moto o het-tok bilong en olsem "Wanpela Ramu NiCo, Wanpela Komyuniti" na i karimaut wok gut long las yia. Long dispela yia 2015 em bai sanap strong long kamapim gutpela komyuniti komiunikesen wok long sait long invesmen na sasteinabol developmen long bringim helpim i go long ol stekholda bilong en.

Presiden bilong Ramu NiCo, Mista Wang Jicheng i tokaut long dispela insait long 2015 Annual Wok Konferens bilong Kampani long Mande, Januari 26 we ol sinia menesmen tim long , Madang, KBK Main na Basamuk Rifaineri i sindaun harim long video konferens.

Planti ol bikipela wok bilong Projek i no inap kamap sapos ol wokman bilong Ramu NiCo i no sanap strong long muvim projek aninit long ol bikipela salens i kam. Olsem na long dispela as Ramu NiCo wantaim MCC Grup i givim luksave na givim awot long sampela ol lain wokman bilong Ramu NiCo long dispela taim.

Ol awot we Kampani i tokaut long en em Vais Presiden Zha Weihang na Wasing Plent Suprintenden, Chen Dajun i kisim awot olsem 'Model Woka bilong MCC Grup'. Ol arapela awot olsem 'Most Outstanding' awot i go long Eksekutiv Deputi Jeneral Menesa, Meng Deyong, Maining Suprintenden, Wei Zhe, na Neutralaisesin na Prodak Eria Suprintenden, Zia Xijun i kisim 'Outstanding Employee' awot. Ol dispela hona em MCC Grup i givim long luksave long Ramu NiCo na ol wokman bilong en.

Ramu NiCo Menesmen (MCC) tu i bin luksave na givim awot long ol lain wokman bilong en husat i wokim gutpela wok na soim hatwok bilong ol long ol arapela Ramu NiCo wokman.

Wanpela long ol wok lain i kisim luksave em Charlie Tukuteata

husat i wok wantaim Human Risos dipatmen long KBK Main. Charlie i tok dispela awot em i kisim em gutpela long em bikos em i soim wanem rot em i kam na wok em i wokim taim em i joinim Ramu NiCo.

Charlie i askim ol arapela wokman bilong Ramu NiCo long wok stret na wok gut na noken kros o sakim toktok bilong ol supavaisa bilong en taim ol i laik stretim hevi. Ol i mas mekim tru tok tasol na wok strong na lukim kaikai bilong wok i kamap.

Wang Wei em narapela Saina man husait i kisim awot tu na em i tok long 2011, taim em i greduet na lusim kantri bilong en long na joinim Ramu NiCo, em i gat naispela driman. Em i tok olsem wantaim gutpela helpim bilong menesmen na ol wan wok bilong em, em i wok gut insait long kampani na i gro wantaim kampani olsem family.

Wang i tok tenkyu long Ramu NiCo menesmen long KBK Main long luksave ol i givim long wok em i mekim na i tok dispela bai givim em strong long mekim moa wok long helpim yet kampani.

Ramu NiCo i luksave long gutpela wok bilong Tim Lida bilong Meintenens Dipatmen long Basamuk Rifaineri, Adolf Longa na i givim awot long em olsem 'Outstanding Employee bilong 2014'. Adolf i tok las yia 2014 em yia wantaim bikipela salens em Meintenens Dipatmen i wok long en long taim bilong remp-ap. Ol i save wok dei na nait long sekim ol valv na wokim ol arapela meintenens wok long dispela taim bilong testim ol masin long rifaineri.

Adolf i tok olgeta wokman i mas givim taim na mekim wok long lukim kaikai bilong wok, na tu ol nesenel na ol ovasis wok lain i mas wok hat long kamapim Ramu NiCo Projek.

Li Peng, kontrol-rum operetta long HPAL eria long Basamuk Rifaineri em wanpela long ol wokman husat i kisim awot tu. Em i tokaut olsem em i lainim planti samting long kontrol bilong HPAL sistem na wanem rot long kamapim sefti long wok-ples eria na tu long sait long komyunikesen wantaim ol nesenel wok man, na tu long wok bung wantaim ol arapela tim memba.



Ol model woklain long Madang husait i kisim awot.



Ol model wok lain long KBK Main husait i kisim awot.



Wang Wei em wanpela blong ol Saina wokman husait i kisim awot tu.

"Mi amamas tru long stap na lukim gro bilong Ramu NiCo Projek insait long las tupela yia, stat long komisioning i kam long prodaksen na tu gutpela wok kamap long sait long menesmen," Mista Li i tok.

Rejista Basamuk Rifaineri

Menesa, Phil Allcorn i askim olgeta wok man long wok strong bihainim awot em ol wanwok bilong ol i kisim long 2014. Em i tok ol wokman meri em ol bikipela risos insait long gutpela bilong Projek.

Long dispela taim nau we

Ramu NiCo Projek i wok long lukluk long 83 pesen prodaksen mak long 2015, menesmen i askim olgeta wokman long sanap wantaim na wok bung aninita long Ramu NiCo komyuniti long lukim olsem Projek i kamapim na bringim gutpela kaikai bilong en.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisionim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paip plain)

'Wanpela Ramu NiCo, Wanpela Komyuniti'

Ol etletiks manmeri i redi

9-PELA memba bilong Etletiks PNG wantaim kosa bilong ol, Bernard Manau, i go long Adelaide long dispela wik long kisim sampela trening long redi na pilai long 2015 Pasifik Gems.

Ol dispela 9-pela em ol memba bilong midel na long distens ran. Long Adelaide ol bai bungim wanpela arapela kosa bilong Pasifik Gems, Peter Deane, husat bai helpim ol long taim ol i trening long hap.

Stap bilong ol dispela etlit long Australia bai lukim ol i salens long

ol sempionsip long hap. Mista Deane i tok ol trening program bilong ol etlit i redi, na ol bai kisim gutpela trening.

Ol 9-pela etlit husat i go daun long Australia pinis em Kupsy Bisamo, Skene Kiage, Simbai Kaspar, Veherney Babob, Benny Albert, Mary Kua, Ongan Awa na Miriam Goiye.

Ol sampela arapela memba bilong dispela etletiks tim bai go long Australia long wik i kam bihain taim ol pepa wok bilong wokabout bilong ol i stret.

Biknem long distens etlit bilong Papua Niugini, Sapalai Yao, bai go long Adelaide tu, em i kam bek long Yunaitet Stets ov Amerika (USA) bihain ol sampela trening long hap.

Long wanpela ripot we i kam long Mista Deane, em i tok olsem em i amamas long wok redi ol etlit i wok long kisim, na em i gat bilip olsem ol bai kisim ol gutpela mak long taim bilong pilai long Julai.

Mista Deane i bin apim nem bilong sampela ol dispela etlit tu, em i tok Miriam Goiye em wanpela etlit husat i bin makim kantri pinis, na

pefomens bilong em long PNG Gems long las yia i soim olsem em i gat strong yet long pilai.

Miriam em 30 krismas na em mama bilong tripela pikinini tasol. Em i bin winim silva na brons long PNG Gems long las yia.

Mista Deane i tok moa yet long Miriam olsem em i bin soim gutpela lidasip taim ol i stap long trening kemp long Nesenel Spot Institut (NSI) long Goroka, na gutpela lidasip bilong em i bin givim gutpela tingting long ol yangpela etlit.

Presiden bilong Etletiks PNG,

Tony Green, i tok tenk yu long gavman bilong Papua Niugini long givim mani long sapotim ol etlit aninit long Go For Gold program.

Tok amamas bilong Mista Green i bin go tu long Papua Niugini Spot Faundesen long helpim ol i givim long taim ol etlit stap long NSI.

Bihain long stap bilong ol etlit long Adelaide, ol bai go long Brisbane long mun Mas na pilai long sampela sempionsip long hap.

Taim ol i kam bek long kantri, ol bai go long NSI na redi long Pasifik Gems.

Digicel sapotim SOPNG

Isaac Liri i raitim

BIKPELA mobail fon kampani long Papua Niugini, Digicel, i givim mani mak olsem K400,000 long sapotim wok bilong Spesol Olimpik Papua Niugini (SOPNG).

Dispela mani bai helpim SOPNG long mekim ol wok bilong ol long redi long 2015 Pasifik Gems, na 2015 Wol Sama Gems long Los Angeles, Yunaitet Stets ov Amerika (USA).

Presiden bilong SOPNG, Takale Tuna, i amamas tru long sapot bilong Digicel. Em i tok dispela em i no namba wan taim bilong SOPNG long kisim sapot long Digicel.

"Taim SOPNG i stat long

2012, Digicel i bin givim K125,000 long yia 2013 na 2014," Mista Tuna i tok.

Sif Eksekutiv Opisa (CEO) bilong Digicel PNG, John Mangos, i tok dispela mani mak we SOPNG i kisim em bilong tripela yia, na ol bai menesim gut na yusim long mekim gut ol wok bilong ol long helpim ol spot manmeri na pikinini husat i gat disabiliti.

Sapot we SOPNG i save kisim long Digicel i bin helpim SOPNG long kamapim ol gutpela program we i bin lukim ol gutpela pefomens bilong ol etlit long ol pilai we i bin kamap long ovasis.


Wanpela bilong ol gutpela pefomens i bin kamap long Spesol Olimpiks 2013 Esia

Pasifik Gems long Newcastle, Australia.

Long dispela pilai, PNG i mekim gut tru na kisim sikspela gol medal, tripela silva na wanpela brons.

SOPNG i gat moa long 500 rejista memba husat i stap olsem ol etlit. Moa long 100 famili i rejista na stap olsem memba bilong SOPNG na i gat 10-pela kosa na moa long 300 manmeri olsem voluntia long Nesenel Kapital Distrik (NCD), Sentral provins na Autonomos Rijon ov Bogenvil.

Mista Tuna i tok ol i gat dri-man long mekim SOPNG i kamap bikpela, na sapot bilong ol kopereit kampani olsem Digicel bai mekim dri-man bilong ol i karim kaikai.



Presiden bilong SOPNG, Takale Tuna, i holim sek mani na sanap wantaim CEO bilong Digicel PNG, John Mangos.

Ragbi tas fainels bilong Gaibodobu bai kamap long wiken

OL Red eyes Eagles i lukluk strong long winim Gaibodobu ragbi tas kompetisen long dispela wiken long Pot Mosbi.

Gren fainel bilong dispela kompetisen bai kamap long Sande long dispela wiken, na semi-fainel bai kamap long Sarere.

Red eyes Eagles i bin pilai wantaim Panthers long las wiken long wanpela strongpela pilai. Tupela tim i pinisim pilai wantaim dro na ples i bin tudak na nogat lait olsem na ol komiti i surukim semi-fainel pilai i kam long dispela wiken gen.

Long arapela semi-fainel pilai, Springboks bai pilai wantaim Reds.

Wina bilong dispela gem bai pilai wantaim wina bilong Red eyes Eagles o Panthers long gren fainel.

Ol pilai we i save kamap long Gaibodobu strit long Tokarara long Pot Mosbi i save helpim ol yangpela manmeri long stap bisi na lustingting long mekim trabol nabaut.



Kepsen: Manoka Knights tim husat i pilai long Gaibodobu ragbi tas kompetisen. Knights i bin lus long Red eyes Eagles long kwata fainels.



PNG KARATE: Ol karate manmeri long Pot Mosbi

Ol Poto: Issac Liri



SOPNG: Ol yangpela spot manmeri bilong Spesol Olimpik Papua Niugini SOPNG, husat i gat disabiliti, i amamas long sapot Digicel PNG i givim long ol long redi long 2015 Pasifik Gems na Wol Sama Gems long Amerika.



PNG GARAMUTS: PNG Garamuts i amamas long sapot ol i kisim long Digicel.



PNG NAINS TIM: PNG ragbi nains tim we bai pilai long Cabramatta Nains Tonamen long Australia.



(L-R) Graham Osborne, Richard Kassman, Justin Tkatchenko na Sir John Dawanincura i sanap. Dispela foapela bikman bi-long go pas long spot i sapotim gavman long tokaut long ol spot manmeri bilong Papua Niugini olsem husat i winim gol medal bai kisim K200,000.



Ol yut bilong Gaibodobu long Pot Mosbi i pilai ragbi tas na lus tingting long mekim trabol long strit. *Poto: Michael Boeo, NCDC*

IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA

Tuna

Emi tuna
bilang PNG



Moa mit na
oil insait



RD Tuna Canners Ltd.



TUNA IN OIL

Nogat NSL long Pot Mosbi

Ol i stretim toktok yet...

Madang FC redi long salensim Admiralty FC long Laiwaden oval long dispela wiken.



NESENEL Soka Lig (NSL) long 2015 bai lukim planti ol pilai i kamap long Lae na i no long Pot Mosbi.

Disisen long mekim Lae i kamap namba wan veniu bilong NSL i kam long bod bilong dispela namba wan soka kompetisen bi-hain long ol i lukim olsem olgeta veniu long Pot Mosbi i redi long Pasifik Gems long Julai.

Long las wik ol NSL pilai we i bin sapos long kamap long Pot Mosbi i no bin kamap bihain long ediministresen bilong Institut ov Pablik Edministresen (IPA) i tok nogat long NSL i yusim fil bilong ol.

Ol senis long NSL bai lukim ol tim bilong Pot Mosbi i go long Lae long olgeta wiken long pilai. Hekari FC na Oro FC bai go long Lae long dis-

pela wiken long salensim Besta FC na Lae City Dwellers FC.

NSL bod i tok ol i wok long toktok yet wantaim IPA long kamap wantaim gutpela agrimen, na NSL i surukim dro bilong raun 4 i kam long raun 2.

NSL kompetisen menesa, Simon Koima, i tok olsem kompetisen i mas go het na ol bai wok wantaim olgeta stekholda na sponsa long kamap wantaim wanpela gutpela agrimen we olgeta bai benefit long en.

Long toktok moa long ol sampela raun wan gem we i no bin kamap long las wik, Mista Koima i tok olsem ol bai kamapim ol was aut gem long bihain.

Arapela pilai namel long Madang FC na Admiralty FC bai kamap long Laiwaden Oval long Madang.

Mitsubishi FUSO Rosa Bus



Apgrred ensin
130Hp
4 silinda disel



**Ikamap Wantaim
26 na 30 Sit**

Hariap nau na go long
Boroko Motors dila bilong yu

**BOROKO
MOTORS**

PORT MORESBY Ph: 325 5255 LAE Ph: 472 1144 MT HAGEN Ph: 542 1933 TABUBIL Ph: 649 9048 KOKOPO Ph: 982 8193
MADANG Ph: 422 2659 KIMBE Ph: 983 5035 GOROKA Ph: 532 3552

Email: info@borokomotors.com.pg
Website: www.boroko-motors.com

